



|      |
|------|
| 14   |
| 1544 |
| 78   |





古玉字無點秦人作隸謂與帝王字混故加點以別之玉寫作偏旁則仍直點而從王從其朔也郭忠恕云今人作字飛禽使當著鳥水族即應安魚讓夫不明字義而專任偏旁者也夫飛禽之以鳥字類之魚類也而魚為何魚鳥為何鳥制字者各有名義所在而擬以魚鳥統則為不舉羽蟲三百六十而統名曰鳥鱗蟲三百六十而統名曰魚古人豈若此之陋耶知王之為玉而不辨其名稱不識其器



古玉字無點秦人作𤣥謂與帝王字混故加點以別之玉寫作偏旁則仍去點而從王從其朔也郭忠恕云今人作字飛禽便當著鳥水族即應安魚譏夫不明字義而專任偏旁者也夫飛禽之以鳥水族之從魚類也而魚為何魚鳥為何鳥制字者各有名義所在而概以魚鳥統之則曷不舉羽蟲三百六十而統名曰鳥鱗蟲三百六十而統名曰魚古人豈若此之陋耶知王之為玉而不辨其名稱不悉其器



用其與安魚而知為水族著鳥而知為飛禽者何以異耶升菴先生有慨於此而作玉名誌以示意曰字必有物必有義凡夫有名可稱有文可紀者皆可作如是觀也至其引徵博而記注詳則自讀書考古中來非可襲而取也兩村李調元序

玉名誌序  
此書之序  
 凡玉之名  
 皆出於此  
 故其序  
 必詳其  
 源流  
 而後  
 論其  
 名實  
 此序  
 之  
 意  
 也

玉名誌卷一

成都 楊慎撰 綿州 李調元 校定

暖肉倍好也

璧好倍肉也

環肉好若一也又曰玉空邊等也

山海經注

瓏禱旱瑞玉刻為龍文也

琥發兵瑞玉刻為虎文也

璲楚玉也理六寸光自照

璠與魯玉也

珣齊玉也



琳晉玉也

瓊赤玉也

璫碧玉也

璫墨玉也

璆元玉也

玼紫玉也

璵玉半白半赤也

璫玉絕色也

璫彬律切青白玉瑄也

璫玉膚也

璞玉未理也

琢玉始理也

璵玉采也

璫玉文也

玲玉聲也

璫玉光也

璫玉中美也

璫玉加琢飾也

璫玉點也

玷玉缺也



玉名詩 卷一  
珙大璧也

琬璋大八寸也

瑄璧大六寸也

璋半圭判白也

琦片玉也

珽兩玉瓊奉使玉盛之車笏間者也

一作珽玉華相帶如琴絃也

璫玉英羅列秩秩也

瑞舜所輯玉也

琕舜所受西王母獻玉也

琰夏桀寵女名刻于玉也

琕周王結好圭也

靈以玉事神也

瑒音暢人名有應瑒今作平音呼非是祀天玉也

璫玉器也

瑁圭頭邪刻也

璫玉飾弁也

瑁玉珮之長也

璫玉垂玉飾冕也

珽佩玉節步也



玦玉珮不連也

珞璫飾佩刀也

璣珠不圓也

珽圭長三尺也

玟火齊珠也

瑛一名水晶珠也

瑁玉在櫝也

玩兒弄璋也

珈以玉飾笄也

以玉克耳也

琇佩刀下飾也

璫玉劍鼻也

班印鼻也

琬玉管也

珂以玉飾馬銜也又曰馬腦車渠飾銜皆曰珂佛經云珂雪言其白也

或老雕入海化為珂城蚌屬即車渠也

瑱穿耳附珠也

瑱纒女竟耳玉也

瑱圭有凸鄂也

玼江珧蚌也



玲音甲 盞器也

瓊馬卜飾玉所謂金鍍瓊也

琇琇瑩美石也

璠以玉相贈遺也

玖黑色玉可作鏡也

珺珺珉石似玉也

瑕玉病也

璣玉上天下小也

近見文士凡遇偏傍之字皆謂之玉而不知各有所訓詰也聊記其畧如右

### 異魚圖贊序

范正叔遜齋間覽云海中異物不知名者人大抵以狀名之此升菴異魚圖贊所由作也先生博學多聞山經地志無書不窺故其贊異魚也怪怪奇奇一收之宏深肅括之筆可謂富矣然觀卷首一條引元儒南充范無隱說莊子云北溟有魚其名鯢此寓言也以至小為至大便是滑稽之開端後人不得其言詮郭象之元奧沉思亦誤况司馬彪輩乎後世禪宗衲子却得其意故有龜毛兔角石女懷胎一口汲盡西江水新羅日午打三更之偈亦可信以為實耶余嘗



謂天地乃一大戲場堯舜為古今大淨千載而下不  
得其解者皆矮人觀場也據此則所謂異魚亦非盡  
實矣然則此書其殆先生有感而作乎明末安縣胡  
世安有異魚圖贊補三卷閩集一卷復有箋四卷採  
注可謂博矣余為之刊行噫如世安者不得解而必  
求解亦可謂矮人觀場矣羅江李調元雨村撰

山縣此志無言不實如其贊異魚也對對皆一類  
知各之此其妙處魚圖贊也由此出夫主制學之固  
以五對波瀾開覽天賦中興賦不暇各各人大於以  
異魚圖贊

異魚圖贊卷一

成都楊慎撰 綿州李調元校定

總贊

魚之為字燕尾相似水蠱之中實繁厥類鱗鬣風濤  
抑龍之次百種千名研桑莫記圖贊所取亦祇以異

鯤

鯤本魚子細如蠶茸莊周寓言鯤化為鵬譬彼詩頌

雖育桃蠱千古言詮誰發其矇○莊子云北溟有魚  
其名為鯤鯤之大

不知其幾萬里此寓言也按內則卯醬卯音鯤國語  
亦云魚禁鯤鮪皆以鯤為魚子至小之物也莊子乃  
以至小為至大便是滑稽之開端後人不得其意晉  
江道詩曰巨鰲戴蓬萊大鯤運天池倏忽雲雨興俯  
異魚圖贊



長仰三洲移孫放詩巨細同一馬物化無常歸修鯉解  
其言詮也雖郭象之元奧沉思亦誤况河馬彪輩乎  
後世禪宗衲子却得其意故有龜毛兔角石女懷胎  
一口吸盡西江水新羅日午打三更之偈亦可信以  
為實事耶余嘗謂天地乃一大戲場堯舜為古今大  
淨千載而下不得其解皆矮人觀場也○  
元儒南充范無隱有是說而余推衍之

魴鯉

伊洛魴鯉天下最美伊洛鯉魴貴于牛羊洛口黃魚

天下不如河洛記引諺

赤鯉

務光憤世自投盧川盧川水伯赤鯉送旃易名琴高  
化形而仙至今揚光清冷之淵事見符子蓋有  
仙騎赤鯉者即其

也

嘉魚

南有嘉魚出於丙穴黃河味魚嘉味相頡最宜為鮓

鬲以蕉葉不爾脂腴將滴火滅事見水經蜀都賦任  
豫益州記樊綽雲南

記博物志○丙穴穴向  
丙也味魚出黃河口

蒲魚

蜀有蒲魚其形如粥出于郫縣蒲村之麓魏武帝四  
時食制○

杜詩魚知丙穴由來美酒憶郫筒不用沽注引河南  
丙穴河南去郫千里不應遠取蓋卽此魚也其魚亦  
出于

八魚異性色



鯉 偃鯉 俯體 圓魴 方鱧 青鱠 赤鰻 白鱠 黃鱣 陸農師

鯢 鮒

清檢出佳鯢濁檢出好鮒美環於常味取以二月初

水經注清檢濁檢俱在陽平關

鮒

洞庭之鮒出于江岷宏腹青顛朱尾碧鱗 劉劭七華節文○岷

卽岷字又作汶

鱣

緝調餌芳可獲鯢魚網魚得鯢不如噉茹或名曰鱣

其性慵如 說苑子賤語又古諺云云

鱣

鞏洛之鱣割以為鱠分芒柈縷細亂蠻足 張平子七問節文

鯽魚

滇池鯽魚冬月可薦中含腴白號水母線北客午餐

以為麪纜 樊綽○甫夷志蒙舍地有鯽魚大者重五斤西洱河及滇池冬月多鯽魚

鯿魚

浮玉之山北望具區茗水出焉中多鯿魚胡蝶所化

列夔長須 嶺表錄異嘗有人浮南海泊於孤岸忽有擊之如帆者盡碎墜舟上視之乃蛟蝶也去其翅足

稱之得肉八十斤噉之肥美如魚此蓋蝶將入水化

魚者也胡蝶化魚此又一證



鱸魚

鱸魚肉白如雪不腥東南佳味四腮獨稱金蓋玉膾  
擅美寧馨

鱣鯢

鱣鯢逆流不過鎖江在叙州灘崩秭歸癸卯年事又隔巫陽

魚官空設玉板不嘗黃魚一名玉板

洄魚

河豚藥人時魚多骨兼此二美而無兩毒粉紅雪白

洄美堪錄西施乳涵水羊胛熟洄魚一名水底羊

時魚

時魚似魴厥味肥嫩品高江東價百鱸鮪界江而西  
謂之瘟魚棄而不餌

鯪魚

鯪魚偃額兩目上陳頭大尾小身滑無鱗或名曰鮎

粘滑是因爾雅翼

鱟魚

鱟形如帆與便面同厥足二六雌常負雄漁人取之  
必得其雙子如麻子南醬是供

鮠魚

魚有鮠鮠一頭數尾有脚如蠶食之肥美



郎君子鯨

郎君子鯨雄雌相雜置之醋盂逡巡便合下卵如粟頃刻廿卅善治產難誕生如達

本草名郎君子元文類作郎君子鯨

鯨音題

魚有名鰓匹妙切亦號為鯨化而為人曾謁仲尼鬻戟

鱗甲由也什之陳蔡之厄天濟聖饑衝波傳

鱧魚

潛有鱧魚飛有鱧鳥同是一物互為形表鳥藏魚出變化莫曉

鱧魚

鱧似蜥蜴一卵百子或如白虺或成蒼兕喙餘三尺長尾利齒岸掉渴虎人肉為肺造化至仁胡乃育此

又

南海有魚其名為鱧其身已朽其齒三作李淳風物類相感志

鱧魚

魚有鱧魚或名江豚欲風則涌恒隨浪翻

又

鱧魚之魚出淮及五湖黃肥不可食大如百斤魏武帝四時食制數枚相隨沉浮自如

魚鼻



嘉州魚鼻載新厥名鱗鱗迎勝夫豈其甥其文實鮚

江圖可徵說文鮚一名當互

弓魚

西河弓魚三寸其修誰書以公音是字謬又晒多子

亦孔之羞弓魚見魚譜今誤作公○滇中俗諺既誤作公魚而

大理公魚皆有子雲南和尚豈無兒

鰩兒

鰩兒極眇僅若針鈎盈咫萬尾一筋千頭漁師取之  
不以網收來如陣雲壓幾沉舟名曰跳鯁厥義可求

異魚圖贊卷一

異魚圖贊卷二

成都 楊慎撰 綿州 李調元校定

鯪魚

吞舟之魚其名曰鯪背腹有刺如三角菱罟師畏之

網羅莫膺臨海水志

勁鰈

南越勁鰈揚鬚排流洞腹養子朝泳暮游臍入口出  
貯水若抽鱗皮斑駁可飾蒯緌

石首魚

石首之魚有石在頭瑩白如玉可植酒籌石首魚一名鯪見江



石首化鳧

南有魚鳧國古蜀帝所都婁縣石首魚至秋化為鳧  
魚鳧之名義斥此可求諸張勃吳錄

比目魚

東海比目不比不行兩片得立合體相生狀如鞋屨  
鱗實其名

王餘

王餘孤遊比目雙逝水既有之陸亦相儷單鵙匹鷺  
性亦相似易林鷺必匹飛鵙必單

鰕魚

鰕實四足而有魚名頭尾類鯢岐岐而行長生山澗  
出入沉浮云是懶婦怨懟自投異物志舊贊

鰓鰓魚

鰓翻十運一翼翮翻厥鳴如鵲鱗在羽端郭璞鰓鰓魚贊

文魮

形如覆銚包玉含珠有而不積泄以尾間闔與道會  
可謂奇魚郭璞鰓鰓魚贊

又

海經駕鰓江賦文魮孕璆音磬鳥首魚尾出鳥鼠穴



禹貢攸紀

飛魚

飛魚身圓長丈餘登雲游波形如鮒翼如胡蟬翔泳俱仙人甯封曾餌諸著藻灼爍千載舒衍王子年七言頌

王鮪

王鮪岫居科斗其面性最有毒獺所不噉人饒食之肥美盈噉

丹魚

丹水丹魚出于南陽以夜伺之浮水有光夏至十日其期不爽取血塗足水上可行抱朴子

鰩魚

音陷

海有鰩魚衆魚蓐母魚欲生卵觸腹以首蛇醫鴈物性固有

望魚

又名刀魚

明都滄澤望魚之沼形側如刀可以刈草

魏武帝時食制

鮫

又名魚虎

天淵魚虎老化爲鮫其皮朱文可飾弓刀

又

鮫之爲魚其子既育驚必歸母還入其腹小則如之

大則不復

楊孚交州異物志舊贊

異魚圖贊

卷二

三



龍魚

龍魚一角似鯉居陵候時而出神聖攸乘飛驚九域

騎龍上升

文選龍鯉一角即此也

又

龍魚之川在汧之瑗河圖授羲實此出焉神行九野如馬行天

烏魚

烏魚戴星禁在仙經鮫鮓鱧蠶紛其別稱其膽獨甘以是為徵

瓊魚

仙人上藥劉淵境魚昔西王母漢武受圖銀刀尾

今乃其餘

衍漢武內傳

石桂魚

石桂之魚天仙所餌猶有桂名鯪借音爾流水桃花

真隱詠美

鯪魚即石桂魚又名鯪魚仙人劉憑所食仰此也唐張志和詩桃花流水鯪魚肥

橫公魚

北荒石湖有橫公魚化而為人刺之不殊煮之不死

游鑊育育烏梅廿七煮之乃熟

約神異經元黃錄。魚豢魏畧云文帝將

受禪赤魚游于露鑊乃此魚也其性自然乃矯誣以為瑞應







鰕魚

鰕魚長尺大如竹竿爆之為燭光明有爛脊骨又美  
可作羹餐臨海水志

婢屍奴屠

魚有婢屍亦有奴屠其名雙偶其形兩肖味皆堪噉  
出臨海嶠

石斑魚

石斑蟠蟲虎文形蚓蠆螯為牡水邊呼引石斑即走  
上岸合牝其性既惡羹不可飲

戴星魚

戴星之魚背有星文點點玳樂因之名云

鯧魚

鯧魚兩肋大肉堪齏魚之粳米其骨亦軟號狗磕睡  
謂無餘衍○鯧魚只有一脊骨治之以薑葱魚之以粳米其骨亦軟食之無餘俗號狗磕睡魚

鯿魚又作鯿

鯿魚之味其美在額古諺有之價鬻世宅鱸腮沙刺

黃骨鯧脊南京所珍百倍秦炙○古諺云寧去屢世宅不去鯿魚額

鱸魚之美在腮沙魚之美在刺○南中八郡志黃魚形似鱸骨如葱可食郭義恭廣志云犍為都犍道縣出臙骨黃魚

鰓魚



敝苟在梁其魚惟鰓其大盈車餌以豚豨鰓死以餌  
士死以貪子思子曰鰓貪以餌死士貪以祿死

何羅魚

何羅之魚一身十首化而為鳥其名休舊竊精于春  
傷墮在日夜飛曳音聞春疾走

鰓魚

周成王時揚州獻鰓其皮有文出樂浪東漢神爵初  
捕輸考工大司馬考工

鯨魚

東方有魚其形如鯉其名為鯨六足鳥尾鱗為之母

荒育厥子

鮒魚鱸鯨鯨

樂浪潘國魚之淵府異哉鮒魚鮒有兩乳鮒鱸鯨鯨  
各以類聚漢獻大官叔重是取五魚皆出樂浪潘國并見說文

鮒魚

魚之美者東海之鮒伊尹說湯水羣首茲徒聞其名  
而形未窺

鱷魚

遼東溟水鱷狀如蝦無足長寸形如股又茲雖微蟲  
其味特佳



烏鰂魚

烏鰂八足集足在口縮喙在腹形類鞋囊其名烏鰂

吸波瀼墨迷射水慝

萬振海物  
異名記

魚有烏賊狀如算囊骨間有髻兩帶極長含水嚙墨

欲蓋反章

烏則之魚鵙

又作鴨即鳩也  
今俗名山呼

烏所變海若小史懷墨

帶算須與其足皆在眼畔風波稍急粘石為纜章與

石距同狀異面食品所珍圖畫悉絢

呂氏春秋注引  
古月令曰九月

寒鳥入水化為烏則魚之入月令七十二候者惟烏  
則爾○天台習顯禪師請禁海際捕魚滬陳宣帝勅  
谷曰此江既無烏則味宜依請觀此烏山之味  
食品之珍尚

○今山東登萊  
有之名八帶魚

鰻鱧

海鰻江鱧善攻岸碇又善升木水居畏之既愈人痾  
復裨牛肥驅蠶如掃茲功亦奇

青魚

江有青魚其色正青泔以為鮓曰五侯鯖枕如琥珀  
可以籠燈亦為冠笄以椒麗婷

魚枕即青魚枕骨也  
可為燈罩又作女冠

鮒魚

黃帛其鮒石鼓嵒鐫查頭縮項味珍襄川詞林藻詠

名播錦賤

鮒即  
編



竹頭鯨魚

張揖廣雅櫛竹頭鯨滇池所饒亦名竹丁鯨以為鮓案酒薦馨

鱈魚

鱈惟妾魚厥形如瓜亦名為鯧同彼狹邪淫蟲相適其味苦嘉說文魚部凡百三始鯧終鱈

魮魚

魮魚味爽可非朝醒左晉虞郎獻于帝庭其方俱在食經可徵

沙魚

沙魚二族胡沙白沙譽有鮫魚其實稍差功入食名號日華

鱣魚即鱧也

上龍之屬苻莖苓根化而為鱣黃白異抱朴子曰苻莖苓根土龍之屬化而為鱣有黃白二種白鱣出交趾

蘆鯨

蘆鯨之魚產蘆陵南俗以為醬海氓所甘鯨音胞

鱖魚又作鱖

吳楚鱖魚其文如蜀薦以上春美而多刺

鱉魚



鯨一名鯨喙銳大腹長齒羅生上下相覆音混於鱗

而不同物鱗又作鮓

海鮪鮓同

魚之最巨曰海鮪爾舟行逢之不知幾里七日逢頭

九日逢尾產子仲春赤徧海水

鯨字一作鯨又作鯨

海有魚王是名爲鯨噴沫雨注鼓浪雷驚目作明月

精爲彗星淮南子鯨魚死而彗星出

東海大魚鯨鯢之屬大則如山其次如屋時死岸上

身長丈六膏膩凡骨充棟小明月之珠乃其目

魏武帝四時食

嗟海大魚蕩而失水螻蟻制之橫岸以死輜重君海

不可以徒策士之談譬其有理說苑



異魚

異魚圖贊卷四

螺貝蜃蚶  
海錯附

成都

楊

慎

撰

綿州

李調元

校定

鼈

音迷  
麻

鼈游航名曰鼈形大如麋出自沙脚一枚剖之

有三斛膏

說文名鼈江賦名鼈臨  
海水土志曰海航實一物也

龜

龜鼈龜頭鼈身蝦尾斑似玳瑁漫無甲指蹕飾弓軸

細帙增美

海月

海物正圓名曰海月指如搔頭有緣無骨海賦江圖



藻詠互發

海鏡

海鏡殼圓中甚瑩膩腹有小蟹朝出暮至或生剖之蟹子跂跂逡巡亦斃

又

海鏡蟹為腹水母蝦為目虛有感受羨補不足人固有之無惑乎物

陵龍

陵龍之體黃身四足形短尾長有鱗無角南越海人嘉羞見逐臨海志

山蟪

嶺表蟪蟪是曰山龜人立其背可負而馳木楔其肉聲吼如牛巧匠琢之以為梳篦

山蟪

說文蟪以胃鳴其音如鼓洛神賦所云馮夷鳴鼓是也

蟪惟水龜涪陵是育其緣中文其甲堪卜馮夷所命切和靈曲漢郊祀歌馮夷切和注馮夷水神命靈蟪也

海蛤

海蛤魁陸瓦瓏鑛殼外眉內渠形摯渾朴萬震南州志贊○注眉高為眉渠疏為渠

江瑤柱



江瑤柱

句

厥甲美

句王音裕

肉柱膚寸名江瑤柱

萬震此贊尤古

又

今之馬甲柱古曰玉珧厥名之珍海圖所標昔人賞之謂美無涯取類南果以配荔枝

紫絃

蘭陵紫絃江淹紫蘿是惟蚌類發華應春珠瑕錦蛤

玉盤同珍

荀子東海有紫絃即石劫也江淹石蚌賦又名紫蘿江賦石蚌應節而揚葩謝眺詩紫蘿燭春流王維詩去問珠官俗來經石蚌春或曰即石决明又名龜脚

石决明

鮫步角切似蛤句

無鱗有殼一面附石

石叶音錯

細孔雜雜

或七或八

人藥品者以七孔八孔為佳九孔十孔不堪用也○郭璞爾雅贊○此贊尤奇

東海夫人

淡菜

東海夫人淡菜有殼形雖不典而益惟箔求以象類堪為一噓

海牛

海牛魚皮潮信可卜潮至毛張潮退則伏刻像押簾招風斯速

大蟹

女丑大蟹其廣千里舉螯為山身故在水海陽專車曷云其比

女丑見山海經海陽見王會



彭蠡

爾雅彭蠡元經郭索均為蟹謚蠡訛以越梁王醯化茲乃臆說

沙狗

蟹有沙狗亦似彭蠡穿沙為穴見人則蟄曲徑易通了不可得

擁劍

蟹有擁劍一螯偏大隨潮退殼隨退復裏力能聞虎利甚戟剉

招潮

蟹有招潮遡月而翹背向不失與潮相招蠱物有知云誰之教

倚望

蟹有倚望常起顧睨東西其形兩翹八跂望常如此入穴乃止

石蜍 蜂江 蘆虎

蟹有石蜍蜂江蘆虎石殼鉄卵不中罟俎好事取之充畫圖譜

蜂江又作蚌 江蚌音流

車螯

海有惟錯車螯蠓蚶眉目內缺鑿殼外緘瓦礫何異



庖厨是堪

蠣房

房讀作阿房之房音傍

海曲蠣房或名蠓山眉渠磊砢牡牝異斑肉曰蠣黃

醴味海蠻

南州志舊贊

蚶子

蚶為蚌屬文似瓦屋殼中有肉紫色滿腹縱橫其理

伍味具足

盛宏之荆州記

貝

夏元周錦貨貝以市研螺暈紙光我髦士厥有神功  
消霧寧水豈特把玩止娛童子

鹽鉄論夏后氏以元貝詩曰成是貝錦貝

文如錦也餘見嚴助相貝經

蚌

蚌為鵲詠今日不出明日不出必有死鵲鵲為蚌語  
今日不雨明日不雨必有蚌脯兩國相爭不忘則傾  
兩士相鬪兵仗其後不聞不爭鵲蚌兩生

衍春秋後語

螺

香螺文賸寶蛤珠龜視雷開閉與月盛衰明璣無脛  
走于天涯

淮南子曰蛤蚌珠胎與月虧全呂覽日月室望則蚌蛤實月晦則蚌蛤虛又淮南子明月之珠出于蠃蜃



蜃乃雉化氣成樓臺摩殼以耨始于姬邵農耨从辰  
文有自來篆書農耨皆从辰以古者摩蜃而耨也

廬

廬式玉度蚌象寶爻螺書螭籀篆刪蟲凋取類斯大

稱名則稍何傷磊落無損賢毫廬蚌之狹而長者見周禮○易離為螺寶

爻見京房易傳○唐崔融贊神禹岫嘍碑云龍畫傍分螺書中三字徐楚金言篆法貴螭屬螭音果其字

作螭从龍當作螭隸變作螭今訛作螭見湘山野錄稍見史記叙傳

異魚圖贊卷四畢

異魚贊閩集

西蜀 胡世安 撰

摩竭大魚

摩竭大魚罽師莫干瀛洲角鼻可與齊觀

四分律云摩竭大魚長三百由旬極大者長七百

由旬。智度論云昔有五百估客下海採寶值摩

伽羅魚王開口見三日出白山羅列一是實日兩

是魚眼白山是魚齒眼如日月鼻如大山口如赤

谷。拾遺記瀛州之東有洲洞廣千里有魚長千

丈色斑鼻有角時鼓舞羣戲噴水成雲望者見其

五色如慶雲之麗



海多

海多人言山儼猩鷓躍化李池張胡莫取

玉照新志宋嘉祐末有人攜一巨魚入京師能作

人言號曰海多街耀市井間亦常入禁中自誦云

海多風錯被漁人下網打住將在帝城中每日教

言語甚時放我歸去龍王傳與這底思量爾千回

萬度後經李氏園中躍入池不可復獲是歲黃河

大決。靈怪集吳郡漁者張胡子太湖釣得一巨

魚腹上有丹書云九登龍門山三飲太湖水畢竟

不成龍命付張胡子

海魚逸品總贊

凡二十種注附八種

海實魚府巨細紛游色味異系漁書是收

鱠楯

鱠之大者狀楯得名脯同嚼蠟市肆攸輕

鱣楯鱣魚大者形短而員狀類樹楯故名重可數

百筋漁人不常得之間有脯而出于枯魚之肆人

厭其肉老無味空負大名耳

箬魚

形同竹葉綴名貼沙佐觴雋品幼脯竝誇

箬魚狀似竹葉閩鄉名貼沙以其身貼伏沙上象



形也鱗極細肉嫩無刺臨安江口時有之潮中有一  
種赤黑謂之幼鹽晒乾脯輕薄超雋下酒不可  
無此君。比目亦有箬名

帶魚

佩帶誰遺皚如曳練奇其說者原始仙媛

帶魚生深海中濶二三寸長可數尺色白如銀無  
鱗刺骨中有珠者名珠帶小者名帶絲皆因其狀  
似而或云西王母度東海侍女飛瓊腰帶爲大風  
所飄化此魚

竹魚

竹魚條生博二寸許色奪浮筠寒食斯取貫尖無唇  
疑其黨與

竹魚條生博可二寸長二三尺嘴尖而長通身綠  
色青翠可愛腹白狀似竹當寒食前後漁者以絲  
網取之又一種名貫尖亦名桂尖似竹魚而小一  
種名無唇卽桂尖之類而缺上唇口中有小蝦爲  
之取食。互詳前三卷竹頭鮮箋

烏頰 赤鯨

二魚異產形味稍同色羣可辨或釣或罾  
烏頰身狹側視之則稍員厚鱗少骨多處水崖中



漁人以釣得之色近黑脊上有刺數十枝長二三寸或亦借此以防患者。赤鯨一名交鬣似烏頰而稍短結陣而至大小交錯因名交鬣色淺絳故又名赤鬣味不下烏頰黑赤之分衆寡之異小者名紅翅蓋其子也

鮮魚

身長骨弱性不樂羣豈懲狷狎出處峻分

鮮魚首圓鱗細身長骨弱大者數十斤或云性健不與諸魚爲羣故名鮮。雜書云鮎魚無定耦與衆魚狎

水棍 松魚 沙姜魚

豐肉鮮骨鱗判有無升之賓豆家庖是需

水棍身圓而短無鱗肉厚味甘大可五六斤莆中名爲嘉蔬以四五月間至鄉人以之充饗庖不以供客蓋賤之也。松魚狀似水棍頭扁尾尖身無鱗刺口有鬚九十月間至漁人以餌釣之肥甚狀而罕供賓祭與赤魚同類而異名五須者爲松三須者爲赤而赤殊勝云。沙姜魚身圓有鱗而白肉厚無刺呼爲飼子飾以其無骨便食但未免肉相耳



鯢魚 波郎 青鱗

聚族雖三羣游則一海若拯貧結夏可必

鯢魚身圓鱗厚長數寸波郎無鱗刺五六月間多結陣而來多者一網可售數百金漁人望海爲田此其一也青鱗似鯢而薄至亦結羣天若以海利私此窮人者

黃雀 白雀

飛躍質形味隨氣革吳頊乘權術銜黃白

黃雀似箬葉而薄色黃異苑云魚以八月化爲雀十月復入海化魚出惠州作贈粵人多尚之又有

白色者名白雀蓋因色而名味不及黃復有白扁赤鼻二種似二雀而小皆其種也赤鼻味勝

江魚 流魚

江魚瑩玉流魚浪花宜脯宜畜收盈舟車

江魚生于海長二寸許潔白如銀其來成羣漁人以爲利舟車俱滿其用甚廣或醢或脯以行四方海澄有內港出者價與銀魚等但不多得耳白丁香又小于江魚。流魚如水中花喘喘而至視之幾不辨乃魚苗也諺云正烏二鱸正月收而放之池皆爲鮠魚過二月則鱸半之鱸食魚畜魚者呼



爲魚虎故多于正月收種其細似海蝦如谷苗植之而大流魚正苗時也

花鮪 娘哀

花鮪身紋娘哀脊刺徑寸厥形醢供遠致

花鮪大寸許上下身薄有花紋娘哀脊上有刺漁人或受其螫痛不可忍因致母戚故名形似鮪而無花大如指皆可作醢行于四方

柔魚

海產止此

元鍾海錯爰有柔品鱸膾墨形炙薦佐飲

柔魚似墨魚而身長須脚皆相似腹亦有墨獨中

軟骨爲殊生食不及脯用火炙之肉條條有紋如銀絲此海味之絕佳者而海錯雜組絕無紀載則以獨產元鍾洞山江上其他齊越海南並不產故特表而出之

鮪魚

孟貢產鮪夷羞是供力反鸞薑功配鹽龍

滇程記雲南百夷中有小孟貢江產鮪魚彼夷食之日御百婦故夷性極淫貴賤俱數妻山中亦產鸞薑餌一刀圭終其世斷絕人道土人以飼牡馬不之宦也。何春遠渚紀聞宋徽宗時將軍蕭注



破南蠻得其所養鹽龍長尺餘藉以銀盤中置玉  
盃以玉箸摭海鹽飼之每鱗中出鹽則收用酒送  
一七專興陽道

鮓魚

比鮑則大膚縷玉瑩以膾諸庖無異雉永 原贊

宋祁益州方物畧云鮓魚出蜀江背鱗黑而膚理  
似玉蜀人以為膾味美

沙綠魚

長不數寸有駸其文淺瀨曲隈唯泳而羣 原贊

方物畧云沙綠魚魚之細者生隈瀨中狀如鰓大

不五寸味美蜀人珍之

石鱉魚

鱉鱗么質本不登俎以味見錄雖細猶捕 原贊

方物畧云石鱉魚似鮓魚而小上春時出自石間  
庖人取為奇味

鮓魚

或云即鮓

有足若鮓大首長尾其啼如嬰緣木弗墜 原贊

方物畧云鮓魚出西山溪谷及雅江狀似兒有足  
能緣木其聲如鮓啼蜀人豢之。范鎮東齋筆錄  
蜀有鮓魚善緣木有聲如啼孟子言緣木求魚是



亦未聞此也

江蟻

介屬根植其名江蟻殼分碧瓣肉緣素毫

漁書江蟻生海泥中殼如花瓣而緣有根直植于泥白如豆芽殼軟肉邊有毛而白海味之佳者漳之詔安潮之海門皆有之郡中以為珍羞但遠致經久則失其真味矣。蠡史曰介屬生根祇惟此一種蓋奇品也昔有中貴食而美之簋盡見根笑謂海錯亦著豆芽乎。此與山人認蠶子作菜豆海粉作粉線何異目不經見見其似者

蠅

漳海泥蠅生繁質小種異蚶田霜候枯槁

漁書泥蠅似蚌而小惟漳浦詔安海中產焉不種而生采之不竭大不盈寸鮮作湯佳七八月間為盛霜降則枯矣晒肉為米可藏久用鹽連殼醃之可致遠

沙蠶 土穿

沙蠶類蚓味甘登俎別種土穿汁凝盛暑

漁書沙蠶一名鳳腸似蚯蚓而大生于海沙中首尾無別穴地而處發房飲露未嘗外見取者惟認



其穴荷插捕之鮮食味甘脯而中俎又一種名土  
穿生海泥中比沙蠶畧大其尾小六月煮之堅如  
凍漳浦雲霄多有之。蠶史曰沙蠶無筋骨之強  
爪牙之利穴沙吸露尚不免見食于人者以味美  
也近聞捕蟬食者廉而受殃口腹何厭之有土穿  
六月汁可成凍以視越中蓴菜四五月葉下有雲  
皆造物之至奇不隨俗炎涼者也

半體魚

廣武山麓漢高殿前有井八角三魚泳旃其一半體  
云昔烹鮮刳腹圍圍新錄攸傳

陶朱新錄河南廣武山漢高皇廟在其麓殿前有  
八角井曰漢泉井中有三魚一金鱗一黑鱗一如  
常而半體鱗肉與骨皆無獨其首全與二魚並游  
水中但其游差緩不復有楊蠶撥刺之勢觀者憑  
欄俯窺雖異之而猶未審一日有墮井者因漚之  
遂得三魚鱗色如在水中時半體者五內皆無方  
大異之後復置井中至今三魚尚存俗傳漢高皇  
食膾庖人治魚及半而楚軍至倉皇棄井中而遁  
語雖難信狀以刳魚而游泳亦可怪也

毳魚



朱崖之瀉有物鞠如貌形正號厥味雋腴

宋范正敏遜齋閒覽海中異物不知名者甚多人  
大抵似狀名之朱崖之旁溪有物正如鞠大小質  
狀無異亦有紋如線綠味極肥美土人但呼為毬

魚

異魚贊聞集

大中之時... 常而半... 入而共口... 異魚贊聞集

升菴先生年譜

綿州 李調元 校

公姓楊氏諱慎字用修別號升菴其先廬陵  
人六世祖諱世賢者元末避歐祥之亂徙楚麻  
城再避紅軍亂乃入蜀居新都世賢生壽山壽  
山生玫生湖廣提學僉事留耕公春留耕公配  
葉氏子七人長廷和即公父少師石齋次廷平號  
龍山次廷儀號瑞虹次廷簡早卒次廷宣號龍  
崖皆葉夫人出次廷歷次廷中側室王氏出石  
齋公生於天順己卯年十三舉於鄉二十舉進  
士由翰林庶吉士歷官少師兼太子太師首相



兩朝有除難定策之功焉子四長即升菴公少師元配一品夫人眉山黃明善之女所出次惇號叙菴癸未進士兵部職方主事恒號貞菴廕中書舍人陞大理右寺副悅號字菴丙子舉人皆太孺人蔣氏出若龍山公之子愷悌瑞虹公之子恂慥性龍崖公之子悅惟則皆公之從弟也先是石齋與夫人黃氏以艱嗣為憂嘗禱於神後夢神語曰當以聰明奇慧子昇君又夢送五代忠臣夏魯奇至曰武臣也復以中庸十章輔之宏治元年戊申十一月初六日生公於

京師之孝順衎衎岐嶷穎達十歲母夫人教之句讀並授以唐絕句輒成誦又以筆管印紙作圈令公書字於中曰吾雖不知書然即此則楷正自可觀矣公奮志誦讀不出外戶戊午年十一作近體詩有一盞孤燈照玉堂之句石齋公曰句佳矣但恨太孤寂爾不悅已未果罹母黃夫人憂極其悲號廢食骨立未幾祖母葉太夫人訃聞隨石齋公回蜀守制留耕公授以易兩句而浹不遺一字擬作古戰場文有青樓斷紅粉之魂白日照翠苔之骨數語瑞虹公極稱賞又



命擬過秦論留耕公奇之曰吾家賈誼也一日  
石齋公與瑞虹龍厓二公觀畫問曰景之美者人  
曰似畫之佳者人曰似真孰為正公舉元微之  
詩以對龍厓曰詩亦未見佳汝可更作公呈稿  
云會心山水真如畫名手丹青畫亦真夢覺  
難分別禦寇影形相贈晉詩人二公曰只此二句  
大勝前人矣時公年十二辛酉石齋公服闋公  
亦入京師有過渭城送別詩霜葉賦其馬崑  
坡詩云鳳輦匆下九天馬崑西去路三千漁  
陽鼙鼓烟塵裏蜀棧鈴聲夜雨邊方士遊

魂招不返詞人長恨曲空傳蛾眉尚有高邛在戰  
骨渣凶更可憐師福建鄉進士魏雪溪先生後  
習舉子業偶作黃葉詩李文正公見之曰此非  
尋常子所能吾小友也乃進之門下命擬出師  
表及傳奕請沙汰僧尼表文正覽之謂不減唐  
宋詞人宏治乙丑侍石齋公於禮闈時崔公銑試  
卷在分考劉武臣簾下疑其刻深未錄公見之  
愛其奇雋以呈石齋公遂擢詩經魁崔知而以  
小座主稱焉竟為生平知己時公年一十八正德  
丙寅與同鄉士馮馴石天柱夏邦謨劉景宇程



啓充為麗澤會即墨藍田永昌張含結社倡  
和丁卯歸應四川鄉試督學南峯劉公面試而  
奇之曰吾不能如歐陽公乃得子如蘇軾是秋果  
擢易魁九月安人王氏來嬪清素僅如田家禮十  
一月上禮部戊辰春試主考王公鏊梁公儲得公  
文已置首選卷偶失燭遂下第有空吟故國三  
千里悔讀南華第二篇之句入國學祭酒周公  
王黼試之曰天下士也已已歷事禮部周旋朝夕  
不倦尚書劉公宇一日見公問日子為誰對曰楊  
慎劉曰本部天下人豈必一大臣子弟耶乃稱嘆

不置辛未禮部費公宏知貢舉入總文衡則郭  
公貴擢公第二殿試則及第第一制策援史  
融經敷陳宏剴讀卷官李公東陽劉公忠楊  
公一清相與稱曰海涵地負大放厥詞共慶朝廷  
得人授翰林修撰公時年二十四癸酉丁繼母喻夫  
人憂居家讀禮賻儀一無所受學憲劉公節稱  
之曰禮不忘於口誦義每絕乎弊交明年藍鄙  
諸寇作亂公在邑城中日夕戒嚴有賊數百詐  
藉官軍以劫門者公令守雉堞者詰之散去乙亥  
服闋冬十二月北上舟至嘉定黃閣扁幾危而



得濟遂與布政伍公符隣舟唱和下江陵丙子入  
翰林為經筵展書官及校文獻通考同館則鄒  
公守益王公思尹公襄劉公泉孫公紹祖張公潮也  
丁丑為殿試掌卷官得舒公芬榮以呈闕老梁  
公儲不置鼎魁公力爭乃得首第時武皇遊幸  
宣大榆林諸邊返而復往公疏切諫不報乃以養  
疾乞歸明年王安人卒己卯繼室得遂寧黃簡  
肅公珂女時江西寧藩之變值石齋公當國公經  
廣漢詩曰遊子戀所生不獲常懷安大哉宇宙  
內吾道何盤桓庚辰九月公北上仍舊官辛巳

四月世宗即位五月公為殿試受卷官八月開經  
筵公首作誨官進尚書金作贖刑之章言聖人贖  
刑之制用於小過者冀民自新之意若大姦元惡無  
可贖之理時大閣張銳于經等皆犯先朝事罪當  
死以進金銀得免故及之壬午二月命公代祀江瀆  
及蜀藩諸陵寢著江祀記與給事熊公浹御史  
簡公霄遊浣花溪載酒賦詩菊烟霞誰作主魚  
鳥自相親斗酒千金會扁舟兩玉叉之句十二月  
北上復命癸未纂修武廟實錄公練習朝野典  
事必直書總裁蔣公冕費公宏回官階雖未及實



堪副總裁者乃盡以草錄付校時六年考滿吏部  
侍郎羅公欽順考公語曰文章克稱乎科名慎修  
允協乎名字甲申七月兩上議大禮疏嗣復跪門  
哭諫中元日下獄十七日廷杖之二十七日復杖之斃  
而復甦謫戍雲南永昌衛時同事死者配者黜者  
左遷者一百八人挽舟由潞河而南值先年被革挾  
怨諸人募惡少隨以伺害公知而備之至臨清始散  
去時公年三十七乙酉正月至雲南病馳萬里羸  
憊特甚栖旅中方就醫藥而巡撫台州黃公衷  
促且甚公力疾冒險抵永昌幾不起巡按鄭公

栢清戎仁公良材極為存護卜館雲峯居之且  
上疏乞宥議禮諸臣而郭亦被詔下獄為民丙  
戌九月聞石齋公寢疾足馬間道十九日至家石  
齋公悅而疾愈七月攜家就戍所十一月尋甸府  
土舍安銓起變十二月武定土舍鳳朝交亦起攻  
掠城僅為患孔亟公歎曰此吾效國之日也乃戎  
服率旅僅及步騎百餘往緣木蜜所守禦入城  
與副使張綦謀固守明日賊來攻城寧州土舍陸  
紹先率兵戰城下公促城中兵鼓譟開門出戰以  
助外兵賊散去公復歸會城戊子春疫殍大作



乃徙居洱海城疫息仍居雲峯尚書伍公文定  
黔國沐公紹勳鎮守太監杜唐同來伺疾時公  
一足病有半人嘲鑿齒一足笑虞夔之句己丑八月  
寓趙州聞石齋公訃奔告巡撫歐陽公子重疏上  
得歸衰事十一月還滇壬辰正月布政高公公韶聘  
修雲南通志館於滇之武侯祠時卿大夫有欲昌  
嗣穎川侯傳及德以覲世爵者公不可乃乘張羅峰  
復相流言欲中害公遂去有中宵風雨太多情留  
住行人不放行借問小西門外柳為誰相送為誰迎  
之句癸巳西遊大理諸處會岵山張公合於霽虹橋

刻詩崖此以志別甲午阿密州僉事王公廷表  
迎往館之往臨安納少室新喻人周氏乙未六月  
子同仁生丙申至喜州訪給事楊宏山十雲復  
寓點蒼山感通寺之寫詠樓丁酉與御史李中  
漢元陽遊石寶山七月還戍所戊戌奉戎檄歸  
蜀便道獲拜阡梓事畢還滇己亥十一月再領戎役  
於重慶道庚子役竣至遂寧七月歸新都八  
月巡撫東阜劉公大謨聘公及玉壘王公元正方  
洲楊公各纂修蜀志辛丑還滇至東瀘疾作  
巡撫龍山戴公金留之返成都與梓谷黃公華



珥江劉公大昌遊青城丹景雲臺諸山壬寅七月  
還戍所八月納少室北京人曹氏癸卯十二月子寧  
仁生公大喜時當道與黔國沐公交遊士夫俱  
詩者宴賀有天上麒麟輝蜀水海中龍馬  
過滇池之句是年公復領戎役於蜀甲辰至瀘  
州與少岷曾公璣遊九十九峰山四月還戍所乙  
巳二月徙居大理與門生董難尋羅谷山經喜  
驗會宏山諸公倡和九月還戍所丙午丁未居  
滇之高燒有十二境日與士大夫交遊二月公屬  
紹芳隸漢玉褒移金馬碧鷄文於羅漢寺之

崖儿招提佳勝會意處便操觚留題冬十月  
公復適臨安訪臬憲樊公景麟暨桐岡葉公  
遊諸巖洞勝景戊申春至晉寧與侍御池南  
唐公錡遊海窰蟠龍生佛諸山陀已酉居高燒  
夏秋每與滇之鄉大夫葉兩湖胡任山遊初武  
廟閱文獻通考天文星名有注張命內閣取秘書  
通考又作注張中使下問欽天監及翰館中皆莫  
知其為何星也公曰注張柳星也歷引周禮史記  
漢書以復又湖廣土官水盡源通塔平長官司  
進貢同官疑為三地名於長官司上添一三字公



曰此六字地名也取朝中官制證之嘉靖中給事中張紳上言時政論學術不止一條有爾字鬼蹟之語上問之內閣云適在館中即取荀子非十二子篇以復敬所將公喜曰用修之博何減古之蘇頌乎其談洽精辨類如此乃若論王道之賊晉室辨太王之非剪商魯之重祭不始於成王周公春秋五伯深斥乎楚宋秦繆引墨子及修文御覽以辨范蠡無載西施之事引黃東發蘇東坡之言及李漢韓文序以辨文公與大顛書之偽駁歐陽氏非堂之說辨陳白沙六經皆虛也

語斥戴石屏之無行傳唐賈梅之死節此又證據古今闡揚幽隱謂其有功世教也非乎至若陶情乎豔詞寄意乎聲伎落魄不羈又公所以用晦行權匪恒情所易測者也昔重慶守劉公繪貽公廷祿偕紹芳數遊昆明池有池賞詩社集庚戌四月海口疏雲南臺司顧若溪諸公請公記事於石壬子二月时在逸武并得妻祭龍海口歸肆狂惑復丁夫六千督往駐濬利泉利州人苦之有言於公者公歎之曰海已涸矣田已出矣民已疲矣致書巡按趙公炳拉罷之三月劉蓉峯明刑持先廷



尉執齋王公詩文集清多批選於太華寺癸丑公  
復領戎役於蜀僑寓瀘州丁巳六月長子同仁卒  
無嗣八月歸新都叙菴弟卒公痛悼倍於尋常  
其誄詞曰我生與弟先後之年呱呱而泣形分氣連  
夏炎令簟冬寒並氈母攜父抱俱濕就乾八歲  
就傳雙筆一研嬉戲偕心出人隨肩歛嘆讓果跬  
步共磚又曰七袞將躋我歸自滇兄酬弟勸翁樂  
因德觴我於進羣從字孿劇談飛屑倡和珠  
蠟笑語亟斷頃刻復延豈宴席化為几筵遽  
爾凋喪門祚中顛幼弱一人何惡余捐余生則究

弟亡則前兄弟存亡誰質諸天其爰至情見  
於辭者如此至若保惠遺孤紀綱家政既乃心乃  
後子有仁以髫年失怙而卒免於顛覆者皆  
公惠之及也戊午子寧仁娶瀘州滕恩官女為  
室公僑寓江陽者十數年交遊日衆與曾岷野  
章后齋諸公友善己未春還成所六月遘疾感  
懷詩曰七十餘生已白頭明明律例許歸休歸  
休已作巴江叟重到翻為滇海囚選謫本非明  
主為綱羅巧中細人謀故園先隴癡兒女泉下  
傷心也淚流又訣李張唐三公詩云魑魅禦客八



千里義皇上人四十年怨誅不學離騷侶正葩  
仍為風雅仙知我罪我春秋筆今吾故吾道遙  
篇中溪李元半谷張池南唐鑄叟此意非公誰與  
傳卒於七月六日年七十有二時巡撫雲南游公  
居教命殯歸新都庚申冬祔葬石齋公墓側  
丁卯穆宗即位奉遺詔追贈光祿寺少卿長子  
同仁先卒次子寧仁時寓瀘州公卒之年夫人  
黃玉瀘迎歸撫教則夫人任之也公孝友性直穎  
敏過人家學相承益以談博凡宇宙名物之廣  
經史百家之奧下至稗官小說之微醫卜技藝草

木蟲魚之細靡不究心多識闡其理博其類  
訂其訛謬焉正德間有寄書曰凡人情有所害  
則有所忌有所讎則有所棄寄之不深則忘之  
不遠則之不甚則棄之不篤忘之遠則我無所  
會棄之篤則人無所忌無所忌而後能安無所會  
而後能適足下所為蓋得其適與安也古人買田  
完擁聲伎皆豪華蓋世之才然獨無指尺寸者  
之見也僕觀足下自蒙難以素嘔心匠意摹文  
續經近搜百氏窮探古蹟鑿石辨剝泐碑搜  
出遺忘有僻儒若士白首蓬蒿日自纂索所不



然盡而謂竭精蕩神於逸欲聲色者能之乎  
斯言也可謂諒之深者矣嘗語人曰資性不足  
恃日新德業當自心力中來故好學窮理老而  
不倦又嘗自贊曰臨利不敢先人見義不敢後身  
雖無補於事業求不負乎君親遭逢太平以  
處安邊歌咏擊壤以終餘生天之顧畀厚矣篤  
矣吾之得今止矣足矣蓋困而亨沖而盈寵為  
辱平為福者耶此公自狀實錄至其平生著  
述四百餘種散逸頗多學者恨未睹其全也  
升菴年譜畢

吳魚圖贊補引

戊午之役執望禹明自分泥播罪此注矣同社多  
策走長安而余復負笈入山寺章句審餘既所增



序平為... 述四百餘種... 升卷年譜畢

異魚圖贊補引

戊午之役缺望禹門自分泥蟠畢此生矣同社多挾策走長安而余復負笈入山寺章句瀋餘既所憎對覓話老衲外惟日披古函散帙以喻適志耳偶簡升菴先生異魚圖贊不避疎淺漫摭見聞詮次如卷已而老衲見之戲謂曰羨淵不如結網獲鮮可以忘筌余服膺其得斲輪微旨異日持青脊墨頭十數魚名暨山海經所載珠璣之類來訊則又升菴先生所遺者余因類搜其餘補之維時陽萌寒谷氣罄負冰聊借筆墨作濡响緣以傲簡蟬曰余將彈鋏衡泌不欲



自爾分飽神仙字也稿成命兒子輩較正魯魚乃亦  
彷彿如左凡三卷又閏集一  
萬歷戊午長至日蒲亭胡世安識

異魚圖贊補卷上

西蜀胡世安撰 綿州李調元鶴洲校

鰩魚

鰩魚省鯉產淺海濤非鱗非鱗音皆混系首匾身圓  
骨軟肉細大者號鰩子味靡儷

兩航雜錄鰩魚似鯉生淺海中專食泥身圓口小  
骨軟肉細似鰩而大者曰鰩神仙傳介象與吳王  
共論魚以鰩為上取其益陰○張九嶼頌駕青虬  
驂元螭肥而癡涅而溜似烏則此黑魚不嫌入淤  
而食泥猶堪哺糟與啜醢○養魚經松之人于潮



泥地鑿池仲春潮水中捕鱮盈寸者養之秋而盈尺腹背皆腴爲池魚之最是食泥與百藥無忌其子味更佳京口錄云頭匾而骨軟惟喜食泥色緇黑故名粵人訛爲子魚閩志云目赤而身圓口小而鱗黑至冬能牽被而自藏○李時珍云生東海狀如青魚長者尺餘其子滿腹有黃脂味美獺喜食之吳越人以爲佳品醃作蒸脂○齊諧記魏明帝見雒水白獺不可得徐邈曰獺嗜鱮魚不死乃刻畫板作鱮形懸于岸獺競來一時執得○鱮魚出餘姚子鱮魚出山陰

青脊魚

青脊非鯽而有鱗名身扁鱗白腴美可鯖清州改候腦內蝨生肉瘦味減不中燂烹

海味索隱青鯽歌探茅積得元鯽顏如漆味如腊煑白石防中咽啖蟠桃吐崑核比五葷是雞肋中間棄之殊可惜屠本峻云青脊魚身扁而鱗色俱白以背上一條青脊得名非青鯽魚也其膏腴甚美出秦化縣土庶咸珍之在俱魚之上過清明時候腦中生蟲名魚蝨漸大而魚亦漸瘦便不堪食矣豈張將軍食此魚正在生蝨時耶但脊作鯽土



人故自訛耳。○漁書黃魚狀似時魚而小一名青  
鮪寧波出者佳鱗薄刺柔海人尚之

美香魚

雁珍維五香魚殿供丰美拔萃五斗曷庸月增一寸  
自春徂冬

雨航雜錄雁山五珍謂龍湫茶觀音竹金星草山  
樂官香魚也士人朱太守素無宦情嘗曰豈以五  
斗易五珍香魚鱗細不腥春初生月長一寸至冬  
月長盈尺則赴潮際生子生已輒稿惟雁山溪澗  
有之他無有也一名記月魚

墨頭魚

墨鱸類鱠出以三月魚火夜伺其來勃窣好事相傳  
墨藩攸泐

墨頭魚蜀嘉州出形狀類鱠子長者及尺其頭黑  
如墨頭上有白子二枚又名二斗魚常以二三月  
出漁人以火夜照之惟郭璞臺前乃有世傳璞  
著書臺上魚吞洗硯之墨所化或名墨鱸。方物  
畧云黑頭魚形若鱠長者及尺出嘉州歲三月則  
至惟郭璞臺前有之里人欲怪其說則言璞著書  
臺下魚吞其墨故首黑贊曰黑首白腹修體短額



春則羣泳促呂斯獲嘉州又有客朗魚似鮓肉嫩而美不恒有也

馬嘉魚

福之馬嘉燕尾銀膚春夏乳子始與湖徂知進昧退見束採無

癸辛雜識姚鎔效柳河東三戒作三說其一曰福之馬嘉云海有魚曰馬嘉銀膚燕尾大者視睥兒鬻而火鱸之可致遠常淵潛不可捕春夏乳子則隨湖出沒而上漁者用此時簾而取之簾爲疏日廣袤數十尋兩舟引張之緹以鐵下垂水底魚過

者必鑽觸求進愈觸愈怒則頰張鬣舒鉤着其目致不可脫向使觸網而能退則攸狀逝矣知進而不退用罹烹醢之酷悲夫

儵鮓

浮陽之魚名曰儵鮓狀如柳葉羣游發發肱沙望洋有恆莫豁省枯魚書徒增嗟咄

荀子儵音稠鮓音常者浮陽之魚也肱祛于沙而思

水則無逮矣挂于患而欲謹則無益矣。本草名鱖魚一名鰲魚一名鮠魚條其狀也粲其色也囚其性也李時珍云生江湖中小魚長僅數寸形狹



而扁狀如柳葉鱗細而整潔白可愛性好羣游最宜鮓菹

鮓魚

腮有三四彷彿湊鱸雖有鱉名與鮓類殊

雨航雜錄鮓魚狀似鱸而肉粗三腮曰鮓四腮曰

芋鮓樂請志所謂鱉音敏魚是也一曰茅狂○林日

瑞魚書云鱉狀如石首而大黑色多鱗巨者鱗如

海鏡眼如碗重數十斤生深海中可脯可醢其膠

絕堅美工師為几案諸器物常用之○篇海鮓鱗

同音憤即鱉也此魚圓如盤口在腹下尾有毒此似

另種互見黃魴箋

杜父魚

溪澗小魚爰有杜父狀類吹沙口濶喙怒脊鬚雖螯渡父攸撫

杜父魚一名渡父魚一名黃魴音公魚一名船釘魚

臨海志名伏念魚古今注江東呼童子魚為土父

是也李時珍云溪澗小魚渡父所食故名見人則

以喙插入泥中如船釘也陳藏器云杜父魚生溪

澗中長二三寸狀如吹沙而短其尾岐大頭濶口

其色黃黑有斑脊上有鬚刺螯人



勒魚

東南海中夏初謾謾漁人設網伺魴次逐狀刺如鱗  
冰鮮是齏甜瓜若生骨蒂尋熟

本草此魚腹有硬刺勒人故名出東南海中以四  
月至魚人設網候之聽水中有聲則魚至矣有一  
次二次三次乃止狀如鱗魚小首細鱗腹下有硬  
刺如鱗刺頭上有骨合之如鶴喙形乾者謂之勒  
鯨吳人嗜之甜瓜生者用勒鯨骨插蒂上一夜便  
熟石首鯨骨亦然○養魚經魴魚腹下之骨如鋸  
可勒出與石首同時海人以冰養之而齏于諸郡

謂之冰鮮

沉虎 潛鹿

性海蠻師魚身虎首爰彼潛鹿亦斑龍偶變化無恒  
孰是樞紐

談乘沉虎虎頭魚也潛鹿鹿頭魚也互見前鮫箋  
○夢溪筆談嘉祐中海中漁人獲一物魚身而首  
如虎亦作虎文有兩短足在肩指爪皆虎長八九  
尺視人輒淚下昇至郡中數日方死有父老云昔  
年曾見又謂之海蠻師狀書傳小說未嘗載○臨  
海水土異物志鹿頭魚有兩角如鹿又雷州出虎



鯨鹿鯊電白海中有鹿魚梅聖俞有鹿角魚詩海中魚角蠹蠹不擬龍乃擬鹿嶺表錄異鹿子魚頰色其尾鬣皆有鹿斑赤黃色羅州圖經云州南海中有洲每春夏此魚跳出洲化而為鹿曾有人拾得一魚頭已化鹿尾猶是魚南人云魚化為鹿肉腥不甚食

黃魴魚

魚曰黃魴音烘身似榭葉頭尖無鱗末刺堪嚼西陽雜俎黃魴魚色黃無鱗頭尖身似大榭葉口在頷下眼後有耳竅通于腦尾長一尺末三刺甚

毒○兩航雜錄魴魚形圓似扇無鱗色紫黑口在腹下尾長于身如狸鼠其最大曰鮫其次曰錦魴曰黃魴曰斑魴曰牛魴曰虎魴魴或作魴文選所謂鱗魚也尾端有刺甚毒大抵海魚惟魴尤熱于諸魚不可常餐

油魚

河首石穴油魚所裔三寸而修豈魴之儷肥以中秋炙食腴毳

油魚在雲南鄧川州南上有珥池又五里為油魚穴魚長僅二三寸中秋則肥孟冬則絕○沮水記



云河首關有石穴八九月產油魚甚肥人謂水鹹則狀油魚視魴魚更小而肥美過之炙則腴毳

黃鰓魚

黃鰓小魚身扁鱗白濶不踰寸長不近尺可充鮓菹宜于燂炙黃姑黃骨呼訛南北

本草黃鰓魚生江湖中小魚也狀似白魚而頭尾不昂扁身細鱗白色濶不踰寸長不近尺可作鮓菹煎炙甚美按魚腸肥曰鰓此魚長腹多脂魚人煉取黃油然燈甚腥南人訛呼黃姑魚北人訛呼黃骨魚

白魚

北勝陳海白魚是育江湖類生太湖擅獨鱗鮓殊稱武舟戩穀雄詮鮓名崔豹有錄一統志白魚出雲南北勝州陳海狀如鯉而色白又淮水出白魚和州出淮白魚○避暑錄太湖之白魚冠天下梅雨後十有五日入時白魚最盛謂之時裏白○本草亦作鮓一名鱈魚白者色也喬者頭尾向上也劉翰云生江湖中頭昂大者長六七尺李時珍云鮓形窄腹扁鱗細頭尾俱向上肉有細刺武王白魚入舟卽此○古今注白魚雄者



日鮐子好羣浮水上名白萍

陽鱈

迎釣輒吞陽鱈則爾肉燥無味質薄不美譬彼冠蓋前塵倒屣賢喆烹鮮云胡不鄙

說苑宓子賤為單父宰過陽晝日子亦有以送僕乎陽晝曰夫投綸錯餌迎而吸之者陽鱈也其為魚博而肉厚子賤曰善未至單父冠蓋迎之者交臂接于道子賤曰車驅之車驅之夫陽晝之所謂陽鱈者至矣于是請耆老尊賢者而與之共治

白鯁

魚之貴者爰有白鯁納池白露違時則賤

養魚經曰鯁乃魚之貴者白露左右始可納之池中或前一月或後一月皆不育漁人攜于舟若煎炙油氣觸之則目瞎京口錄云巨首細鱗池塘中多畜之

鰻魚

魚饜類者江湖有鰻志訛石首食療混鯨其實三種稍有異同

李時珍云鰻性啖魚其目瞶視故名異物志作石首非也食療作鯨鯨生江湖中體圓厚而長似鰻



魚而腹稍起扁額長喙口在頷下細鱗腹白背微黃色亦能噉魚大者二三十斤

鮮魚

閩莆有鮮鮮食朶頤剖腹子滿元冬佳時

王得臣塵史鮮魚閩中鮮食最珍者長七八寸濶二三寸剖之子滿腹冬日正其佳時莆田迎仙鎮乃其出處黃公度云莆中佳產惟子魚紫菜荔枝蠣房也○宋方勺泊宅編興化軍子魚惟通應大師廟前者最美世稱通應子魚而東坡詩通應子魚猶帶骨應作印恐誤○漁書子魚似青魚而小

正二月間佳此種海上多有之惟鹹淡水之交其品獨擅又有青鮫白鮫大同小異海人能辨之臨安只子魚一種大則鮓魚也生江中者勝他產類說秦檜夫人嘗春日入宮顯化太后言近日子魚大者絕少夫人曰妾家有之當以百尾進歸告檜咎其失言乃謀之客以青魚進后撫掌大笑云我道這婆子村果狀

印魚

首載篆籀注諸魚死似青而修鋪必先祀勝鶚炙者彼或疑此



雜俎印魚長一尺三寸額上四方如印有字諸大魚應死者先以印封之○明黃鐵橋海語印魚出南海中似青魚而修廣過之頭骨中折如解顱之嬰腦後垂皮方經三寸許若道巾之披餘狀上有黑文儼如篆籀島夷間有獲者必珍藏之○述異記城陽縣南有堯慶都墓前一池魚頭間有印文謂之印頰魚若非祀者捕而不得○郭詳正詩仙魚通印勝鶚炙亦猶蘇之誤也

### 井魚

井魚乃穴噴水濺濺經其喙吐變海而泉

雜俎井魚腦有穴每翕水輒于腦穴感出如飛泉散落海中舟人競以空器貯之海水鹹若經魚腦穴出反澹如泉水焉成式見梵僧善提勝說

### 毛魚

南潯洞穴陰源下通中有毛魚與龍同宮鬚鬚領豪可貼屏風

拾遺記南潯之國有洞穴陰源其下通地脉中有毛龍毛魚同穴而處○續博物志海州有人持一束黑物形如竹箋云海魚腮中毛可作屏風貼色似水牛角頭似猪鬃長二尺四寸廣可一寸



箴魚

喙有箴紋字曰箴魚形同鱸殘疫疾用除釣鍼所化俗說堪啖

本草作鱻臨海志作銅吮魚東山經栲狀山泚水出焉北注于湖中多箴魚狀如儵其喙如箴食之無疫疾○寰宇記鱻魚生江湖中大小形狀并同鱸殘但喙尖有一細黑骨如鍼是異耳俗云姜太公釣鍼所化又名姜公魚○志吳江出針口魚首載鍼芒身長五六寸土人多取充鱻

鮎鮮魚

鮎鮮之魚體薨中薄渙激所饒市充瘴藥

一統志激江府河陽縣出鮎鮮魚一名康郎魚雲南諸府買作瘴藥一作凍竄注凍竄空貌今此魚亦乾而中空

鱠魚

鱠魚無骨膈膩如膏徒哆厥口不足以豪

雨航雜錄鱠魚身柔如膏無骨鱠細口濶齒多一作鱣海上人目人弱者曰鱣○海味索隱頌豐若無肌柔若無骨截之肪耶盡之脂耶乳沉雪山鉢底酥凝玉門關外露滴仙盤掌中其卽若箇之化



身也耶四明屠本峻云水族風味真上品也一作風鱖

半湯魚

半湯湖魚互入輒死亦如鱮鮠不入江水

一統志應天府東北有半湯湖水同一壑而冷熱相半熱可淪鷄中皆有魚魚交入輒死民引熱水溉田一歲兩熟○埤雅鱮鮠入江水輒死韓文公詩江魚不池活今魚生流水中則背鱗白而味美生止水中則背黑而味惡亦一驗曹植云鹹水之魚不游于江淡水之魚不入于海

風雨魚

海鷓風使白袋雨奴性同箕畢羽角影殊

雨航雜錄海鷓魚亦文鱗類也形似鷓有兩翅能飛上石頭齒如石板出主風又有白袋魚以牛而白自海入江則兆水澤謠曰海鷓風伯使白袋雨師奴○釋名海鷓魚一名邵陽魚食鑑作少陽魚一名荷魚一名鱖魚一名鮪魚一名蕃踰魚一名石蠟陳藏器云生東海尾有大毒逢物以尾撥而食之其尾刺人三刺中之者死二刺者困一刺者可以救候人溺處刺釘之令人陰腫痛拔



去乃愈海人被刺毒者以魚扈竹及海獺皮解之  
又有鼠尾魚地青魚並生南海俱有肉翅刺在尾  
中食肉去刺○李時珍云海鷄魚江湖一時有之  
狀如盤及荷葉大者圍七八尺無鱗青背青腹  
白口在腹下曰三額上尾長有節蓋人最毒皮色  
肉味俱全鮎魚也○若骨節發此肥軟可食吳  
人措之魏武食鮎魚踰三日者如箕尾長數尺是  
已卽漳泉所謂鱸魚嶺表錄吳雞子魚嘴形如鷄  
肉翅無鱗色黑鱗魚尾尖而長有風濤卽乘風飛  
于海上此亦海鷄類也○南越記天牛魚方圓三

丈眼大如斗口在脇下露齒無唇兩肉角如臂兩  
翼長六尺尾長五尺或赤白袋類也

### 海燕魚

魚有海燕大小種殊聲如牛者矯然潮驅以寸計者  
陰雨翔區

廣古今五行記齊鹽官縣石浦有海魚乘潮來去  
長三十餘丈黑色無鱗其聲如牛土人呼爲海鷲  
○本草海燕出東海大一寸狀扁面圓背上青黑  
腹下白脆似海螵蛸有紋如篔簹口在腹下食細  
沙口旁有五路正勾卽其足也臨海水土記陽遂



足生海中色青黑腹白有五足不知頭尾生時體  
奕死卽乾脆正此異物志載燕魚長五寸陰雨則  
飛起亦卽此主治陰雨發損痛亦入滋陽藥

鬪魚

有魚矯悍斑紋炫盼習訓爭長里兒競豢

宋張世南遊宦紀聞三山溪中產小魚斑紋赤黑  
相間里中兒豢之角勝負爲博戲昔有鬪禽未見  
有鬪魚亦可觀也聞永嘉亦有之○稗史波師魚  
俗名師婆魚其大如指鬚鬣具五采兩腮有小點  
如黛性矯悍好與魚鬪○五雜俎閩莆中喜鬪魚

其色爛漏喜鬪纏繞終日尾盡齧斷不解此魚吾  
郡亦有之俗名錢升魚畜之盆中諸魚無不受齧  
人皆惡之而莆人乃珍重如許良可怪也

毒魚

號師越龜及籬頭溺人中厥毒亦孔之戚

北山經饒山歷號之水出焉東注于河中有師魚  
食之殺人陳藏器云魚師大者有毒殺人今無識  
者但唐韻鮒老魚也及北山經所云其卽此與○  
南越志績尾魚有毒一名龜名西陽雜俎傍海大  
魚脊上有石十二一名籬頭溺一名螃蟾其溺甚



毒

異魚圖贊卷上

異魚圖贊補卷中

西蜀胡世安撰

綿州

李調元

鶴洲

校

珠蟹魚

珠蟹足六如肺有目瘳癘若逐甘酸盈刳

東山經葛山豐水出焉東至于余澤中多珠蟹魚

其狀如肺而有目六足有珠其味酸甘食之無癘

一統志生高州海中四目六足而吐珠呂氏春秋

澧水魚之美者名曰珠鼈淮南子蛤蜊珠鼈與月

衰墀雅鼈珠在足皆指此也

此魚



泚水芷魚一首十身臭越蘼蕪失氣以跋

東山經東始山泚水出焉中多芷魚狀如鮒一首而十身其臭如蘼蕪食之不糲郭注止失氣也按朔法師混作鯨魚非

鯨魚

鯨好陵居魃羽蛇尾音如雷牛夏生冬死

南山經柅陽山之東音帶山多叅有魚焉狀如牛好

陵居蛇尾有翼其羽在魃亦作下其音如雷牛名

曰鯨冬死而夏生食之無腫疾

赤鱗

卽翼赤鱗是醫疥疥人面烏音茜質漾淥比之陵魚而無手足

篇海作鮒鱗南山經青丘山英水出焉南注卽翼之澤中多赤鱗其狀如魚而人面音如鴛鴦食之不疥。海內北經陵魚人面手足魚身在海中

鱗魚

鱗音團狀曾鮒音毛竊豚不利于見鱗薄之倫

南山經雞山黑水出焉南注于海中有鱗魚狀如鮒而鱗毛音如豚見則天下大旱。東山經獨山未塗之水出焉東南注沔中多條鱗狀如黃蛇魚



翼出入有光見則其邑大旱又女蒸山膏水出焉  
西注于甬水中多薄魚狀如鱸而一目其音如歐  
謂如人嘔吐聲

修辟魚

龜形鴟聲維喙則白功埒豪魚厥名修辟

中山經橐山橐水出焉北注于河中多修辟之魚  
狀如鼃而白啄其音如鴟食之已白癩。又渠豬  
山之水中多豪魚狀如鮪赤啄尾赤羽可以已白  
癩

鱸魚

鱸魚貌鮒其文則黑希夷先生或不薦食

中山經來需之水出于半石山陽而西注于伊中  
多鱸魚黑文其狀如鮒食者不睡

莽魚

莽魚形大龜首鼈身患劇鶻獺惟最不仁

中山經槐水之河有莽魚其形至大龜首鼈身是  
河內所出魚盡皆食之

蚌魚

招水源禹鮮厥府藏魚尾兩足狀鼈音羊

西山經英山禹水出焉北注于招水中多蚌魚狀



如鼈音如羊郭注狀如龜而魚尾二足

羸魚

濛水注洋有羸泳斯音鴛翼鳥陽侯是毗

西山經邽山濛水出焉南注于洋中多羸

音螺玉篇作羸

魚魚身而鳥翼見則其邑大水

鱣魚

鱣魚渭產其狀如鱸觀等朱孺休鱣代鱣

西山經鳥鼠同穴之山渭水出焉東注于河中多

鱣魚動則其國有大兵。東山經耿山有獸狀如

而魚翼名曰朱孺其鳴自叫見則其國有恐。

中山經少室之山休水出焉北注于維中多鱣魚

狀如蟄蝓而長距足白而對食者無蠱疾可禦兵

冉遺魚

北注陵羊是曰澗水誕育冉遺目如馬耳蛇首六足

朋鮀侶鮀捐眯禦凶山經稱美

西山經英巖山澗水出焉北注陵羊之澤多冉遺

或作鬣之魚魚身蛇首六足其目如馬耳食之使人

不眯寐同可以禦凶

儵魚

音猷

汨和捐平莫慘于憂詩詠萱草山經則儵

舊圖贊



北山經帶山苾湖之水其中多儵魚狀如鷄而赤  
色三尾六足四首其音如鵲食之已憂一云亦可  
以禦火。或謂萱草二句應改云霍山臄臄苾水  
則儵更切按中山經霍山有獸狀如狸而白尾有  
鬣名曰臄臄食之可以已憂

滑魚

鱧魚

諸毗有滑泰澤有鱧已疣功並宜用充庖  
北山經求如山滑水出焉西注于諸毗之水中多  
滑魚狀如鱓赤背其音如梧食之已疣又獄法山  
灑澤之水出焉東北注于泰澤中多鱧魚狀如鯉

而雞足食之已疣又展水饑魚亦已疣見前

鮎音諸魚

器水鮎魚兒莫首琴牧而存吾以薦酒

北山經北獄山諸懷之水出焉西注于囂水中多  
鮎魚魚身而犬首音如嬰兒食之已狂

化魚

鱗而毛羽黃魚化鵠泡變豪豬沙魚更虎

倦游雜記黃魚化為鸚鵡泡魚大者如斗身有刺  
化為豪豬沙魚之斑者化為虎。臨海記魚虎名  
土奴魚陳藏器云生南海頭如虎背皮如猬有刺







多水中多堪孖之魚其餘形色地產未詳

復名魚

魚復名者鰓鰓鱗鱗鮪鮪鮓鮓鰓鰓音顯鰓鰓

鰓鰓鮓鮓見前東山經檄蟲山食水出焉中多鱗

鱗之魚其狀如犁牛其音如瓊鳴北山經少咸山

敦水出焉東注于雁門之水中多鮪鮪音沛或沛鮪之

魚食之殺人西山經剛山之尾雒水出焉北流注

于河中多蠻蠻之魚其狀鼠身而鼈首音如吠犬

王會揚州獻禺禺之魚。按相如賦禺禺鮓鮓郭

璞云卽比目魚

倮虫魚

竊人形號貴賤皆脩水國塵寰易地一視

北山經龍侯山泱泱之水出焉東注于河中多人

魚狀如鮪四足音如嬰兒食之無癡一作瘖疾又竹

山竹水出焉熊耳之山浮濠之水出焉陽華之山

楊水出焉朝歌之山濩水出焉其中皆多人魚陶

弘景云人魚膏燃之不消秦皇驪塚所用人膏是

也乾道六年湖州市口弄蛇客養一魚于瓦盆狀

如鮪而腹黑下出兩手若人狀十指皆具亦人魚

也。鮪釋名人魚又名孩兒魚按孩兒魚有二種



生江湖中形色皆如鱸鮓腹下翅形似足其腮頰  
軋軋音如兒啼卽鮓也一種生溪澗中形聲皆同  
但能上樹乃鮓魚也又名納魚見范蜀公所稱按  
郭璞云鮓魚四脚前脚似猴後脚似狗大者長八  
九尺寇宗奭云鮓形微似獺四足腹重墜如囊身  
微紫色無鱗常剖視之中有小魚小蟹小石數枚  
也。雜俎梵僧普提勝說異魚東海漁人言近獲  
一魚長五六尺腸胃成胡鹿刀槩之狀號秦皇魚  
述異記釣州有一陂陂之中有范蠡魚昔范蠡釣  
得大魚烹食之小者放于陂又云和州歷陽淪爲

湖今湖中有名府魚奴魚婢魚。一統志臨海出  
望潮魚一名海和尚。海內北經東洋大海有和  
尚魚狀如鱉其身紅赤色從潮水而至。志重慶  
東南二百五十里有魚池流合岷江圖經云嘗有  
神魚游此世傳巴子魚也。養魚經鰕虎之魚類  
土父而腮紅若虎善食鰕俗謂新婦之魚

區別魚

形色不一難以類求或地待顯或因地收何必淵羨  
展卷與游

朝野僉載峰州有一道水從吐蕃中來夏冷如冰



雪有魚長一二寸來去有時人取烹之而食千萬  
家取不可盡不知所從來名峰州魚。雜俎興州  
有一處名雷穴水常半穴每雷聲水塞穴流魚隨  
流而出百姓每候雷聲繞樹布網獲魚無限非雷  
聲漁子聚鼓擊穴口魚亦輒出所獲半于雷時人  
呼雷穴魚韋行規作興州刺史書此事移親故云  
○晉吳隸爲魚塞于雲湖有大魚化人語隸云曉  
有大魚攻塞切勿殺隸許之須臾有大魚至羣魚  
從之隸同侶誤殺大魚是夕風雨冥晦魚悉飛上  
木間因號飛魚逕在九江城西二里。○宋天聖中

丁少連侍母觀網魚得大鯉命烹之庖人驚報魚  
頂生角魚已濱死少連祝曰魚若變化分當再活  
試以水圍圍如初遂放于清石潭盧載作送角鯉  
文因以名池在醴陵縣東。○東湖魚產南昌其湖  
水清魚美宋徐俯詩東湖春水百魚金是也又  
江魚此魚食金花水其味美又南川九遞山下有  
水瀦爲池中產異魚人不敢取名九遞魚。○鯉水  
源出凌江其流會于保水春多鯉魚在南雄西十  
里鯉魚潭水深碧中有異魚如鯉人取而烹食之  
則化水在瓊州澄邁縣南五十里又魚爺井泉極



清冽相傳泉與海通中有一大魚頭白俗呼魚爺呼之輒出在文昌縣西。宋景公食善星文有淇漳之體中山經有崕山江水之鰲

水足魚

鱗鬣發發浮空若跋名異形殊乳同濡沫鮪鰓鮓鱒從類槩括建洞浮湖推之愈濶

北戶錄全義

嶺表異錄作金義嶺

之西南有山曰盤龍山有

乳洞洞有金沙龍盤魚皆四足修尾丹腹狀如守宮游泳水濱人莫敢犯按御覽云龍蟠山有石洞洞中小水有四足魚皆如龍形人殺之即風雨也

狀唐韻云鱒魚四足鱒鯢別見但未見言其可致

風雨耳公路因思道書說五頭魚三足鹿皆神化所致不可以類而推也。榮經水及西山溪谷出

鮪魚有足能緣木聲如兒啼蜀人食之。山經樂

游山桃水出焉中多鱒

音骨與音滑者不同

此魚狀如蛇而

四足是食魚疑即鮪。篇海鮓音役魚有四足。梧

州放生池中多鱒魚有四足死後頭骨牙齒朽落

至五月後更生骨盡乃止此疑鱣類。真臘國出

建同魚四足無鱗鼻如象吸水上噴高五六丈又

浮湖魚八足狀如鮑嘴如鸚鵡。宜興頤山潛虬



泉幽深泓澄中有異魚四足能行率數歲一出出必有水災

色魚

洪纖匪一五色備焉豈其水府染纘有權

北戶錄歷澗潭有五色魚。中山經景山睢水出焉中多文魚。拾遺記鮫沉羽淵化元魚時揚鬚振鱗橫游波上見者謂為河精又瀛州名環州東有淵洞有魚長千丈色斑鼻端有角時鼓舞羣戲遠望水間有五色雲就視乃此魚噴水為之慶雲之麗無以加也。裴晉公謂門人曰吾死無所繫

但午橋莊松雲嶺未成軟碧池繡魚尾未長漢書未終篇為可恨耳。元志廣州有赤魚又韶州府東南五十里溫泉中時見赤魚游泳人不敢捕。昌化縣西北千頃山有龍湫魚皆金銀色禱雨多應。昆陽平定鄉小山下有三洞泉出會而為潭中有青白大魚俗呼隨龍魚人不敢獲。粵西陽朔縣西十五里有異魚塘中有魚綠鱗而紅鬣。劍州普安廢縣浴丹池唐杜光庭浴丹之所池有魚赤鬣色如金飛躍其中或採取必觸風雨之變

器形魚



異魚圖考 卷中  
鋸筭鞘鏡以形似名斗梓筆管亦詭厥生腦金抱石  
無忝別旌

寰宇記惠州出鋸魚亦名狼籍魚身長二丈口長  
三尺廣三寸左右齒如鐵鋸南越志作鯨魚。漁  
書云鋸魚生大海中不多見其牙齒長五六尺兩  
傍如鋸齒故名魚人云此魚惜齒齒掛于網則身  
不敢動恐傷其齒諺謂千金之鋸命懸一絲是也  
○筭魚色白如筭長尺餘又一種越王筭大如筭  
白色生海邊池中見卽取之可得取待則入土中  
矣。鮪魚出江湖形如馬鞭尾有兩歧如鞭鞘因

名。雜俎濟南郡東北有鱣坑相傳魏景明中有  
人穿井得魚大如鏡其夜河水溢入此坑坑中居  
人皆化鱣又異物志南方鏡魚圖如鏡。南越志  
石魚形圓如七斗梓又君魚長三寸背上骨如筆  
管大者似口逢諸細魚及鼃皆斷之。博物志金  
魚腦中有麩金出功婆塞江。吉安龍泉縣小江  
出抱石魚又太原保德州出石花魚

異同魚

波食欣賜逐侶而遊形味互似豈亦賁優

首句見關尹子。南越志真魚如織絲魚又云織



杼魚如真魚背上正青又寄魚長三寸似白魚常  
 附海船以濟洪波一日寄載魚又鱸魚似魖鱈尾  
 上有刺如櫨樹刺也。鯽魚似蛇長一丈。鱮魚  
 似鱉無甲有尾口在腹下土人呼為定魚又謂之  
 鑊蓋魚取其形似有薑尾世言螫人劉姓輒死他  
 不皆然當是惡業所感。鰩海魚似鰩肥美。鰩  
 魚似鱣相如賦鰩鰩鰩。齋音齊魚出漢水似鯉  
 而小。鰩魚似鮐色白鼻長

羽鮮

魚禽易化不隔天淵今之似者應謚羽鮮

山海經子桐山子桐之水出焉西注餘如之澤中  
 多鰩音滑肉狀如魚而鳥翼出人有光音如鴛鴦見  
 則大旱。青箱雜記海有魚虬尾似鴟用以噴浪  
 則降雨漢柏梁災越王上厭勝之法乃大起建章  
 宮遂設鴟魚像于屋脊以厭火災即今世鴟吻是  
 也。惠州志黃雀魚常以八月化黃雀十月後仍  
 入水化魚。廣州元志有鳳尾魚。安南嘉興州  
 蒙縣龍門江漢書封谿縣隄防龍門水即此傍有  
 穴多出鸚鵡魚色青綠口曲而紅似鸚鵡相傳此  
 魚能化龍云。象山縣西東攝潭舊潭中產鶴龜



其甲尺許觜如鸚鵡尾長八九寸鱗甲爛然

亂壙魚

不隸毛王詭形水族良惡性同無復並育

肇慶志陽江縣江中有潛牛形似魚能上岸與牛鬪角軟還入水堅則復出。廣志東海有馬鰵魚或名馬交。南越志鼠魚頭似鼠。文登志縣北海中有海驢常以八九月上島產乳其皮水不能潤可以禦雨又海狸亦上牛島產乳逢人則化魚入于水。雜俎象浦有馬頭魚色黑長五丈餘頭如馬伺人入水食之又周陵溪中有魚其頭似羊

俗呼羊頭魚豐肉少骨殊美于餘魚。海豚腦上有孔噴水直上百數為羣人先取其子繫水中母自來就取之河豚無頰無鱗觸之則怒氣滿腹江豚鼻中作聲出入水上舟人候之知風雨。南方物狀水猪魚似猪形



異魚圖贊補卷下

西蜀 胡世安 撰 綿州 李調元鶴洲校

互錯部

鼈

介蟲之元升沉隨月以其類求倏然雄鼈作梁夏周  
脂可藝鐵子公染指遂成鄭孽

爾雅翼鼈似鼈而大南人亦捕食之濶至一二丈  
介蟲之元也鼈以為雄故鼈鳴而鼈應淮南子燒  
鼈致鼈此以其類求之○一云鼈大于鼉朔望隨  
月浮水月沉則沒此屬陰也○拾遺記禹濟巨海



鼃鼃為梁又紀年周穆王東至九江叱鼃鼃為梁而履之○埤雅鼃亦思化其脂得火可以然鐵張鼎云其脂磨鐵則明○楚人獻鼃于鄭靈公子公之食指動謂子家曰必嘗異味及宰夫烹鼃食大夫不與子公子公染指于鼎嘗之而出○五雜俎殺鼃剖肉縣桁間見無人便自垂至地聞人聲即縮鼃肉封盡而留腸屬于首數日不死鳥攫之仍為所嚙

西鼃

陸世文

海

錄

李國

六

鼃

鼃狀守宮亦名土龍吐水向日鳴即雨從力攻碕岸

樹鼓逢逢其枕瑩潔卵至盈胸就穴掘牽人不易蹤說文鼃狀如守宮長一二丈文五色背毛有鱗甲如鎧能吐雲致雨身具十二肖肉蛇肉最後在尾皮堅厚可冒鼓○本經名鮀魚一名土龍其甲黑色能橫飛不能上騰夜鳴應更吳越謂之鱣音更向日吐水日沉則沒此屬陽也埤雅云欲雨則鳴舊云性嗜睡日常閉力尤酋健善攻碕岸○詩鼃鼓逢逢夏小正剝鼃以鼓陶宏景云惟至難死沸湯沃口入腹良久乃能剝之李斯傳樹靈鼃之鼓晉安海物記鼃宵鳴如桴鼓今江淮間謂鼃鳴為



鼉鼓○陳藏器云人于穴中掘之百人掘須百人  
牽一人掘亦一人不狀終不可出○李時珍云  
穴極深漁人以篾纜繫餌探之候其吞鉤徐徐引  
出其枕瑩潔勝于魚枕生卵甚多至百亦自食之  
南人珍其肉以爲嫁娶之敬

龜

元衣督郵質應離象星散瑤光前知幽貺  
古今注一名元衣督郵一名洞元先生一名冥靈  
甲曰神屋又號先知君抱朴子山中已日稱時君  
者龜也○李顥賦質應離象位定坎居按易離爲

龜○春秋運斗樞瑤光星散爲龜事類賦伊神龜  
之效質實瑤光之散精○說苑靈龜文五色似玉  
似金背陰而負陽上隆象天下平法地槃衍象山  
四趾轉運象四時文著象二十八宿蛇頭龍頸左  
睛象日右睛象月千載之化下氣上通能知存亡  
吉凶之變

天生神物十朋之龜或游于火或游于著雖云類殊  
象二一歸疊疊致用極數盡幾

郭璞贊

漢書元龜距形尺二寸直一千一百六十爲尺貝  
十朋公龜九寸以上直五百爲壯貝十朋侯龜七



寸以上直三百為公貝十朋子龜五寸以上直百  
為小貝十朋為寶四器○孫氏瑞應圖龜生三百  
歲游于藻葉之上三千歲尚在蓍叢之下爾雅十  
曰火龜注猶火鼠類又抱朴子千歲之龜五色具  
焉額生兩骨起似角解人語或浮蓮葉之上或在  
叢蓍之下其上時有白雲○龜甲蟲之長外骨內  
肉腸屬于首能運任脉廣肩大腰思抱其息以耳  
雌雄尾交亦與蛇匹靈而多壽

能賁

鼈三足曰能龜三足曰賁食之已蠱腫產于從伊瀆

爾雅鼈三足者曰能龜三足者曰賁山海經從水  
多三足鼈食之無蠱○又大若山陽狂水出焉注  
于伊中多三足龜食之可以已腫○姚福庚已編  
太倉民家得三足鼈烹食畢入臥少頃形化血水  
止髮耳鄰人疑其婦謀害訟之官時令黃廷宣鞠  
問不決乃別取三足鼈令婦如前烹治取死囚食  
之入獄亦化如前人遂辨其獄竊謂能之有毒不  
應如此狀理外事亦未可臆斷也而山海經云云  
近亦有誤食無恙者何哉○大明會輿暹羅獻六  
足龜宋史趙霆獻兩頭龜此又前人所未知者也



多目龜

星池神龜爰有六眸或四或八塵食獨游

拾遺記星池千里池中有神龜八足六眼背負七星日月八方之圖腹有五嶽四瀆之象時出石上望之煌煌如列星○江賦有鼈三足有龜六眸○劉宋太始二年八月四眼龜見會稽六年吳興獻八眼龜齊永明五年六月建城獲四目龜八月延州獲六目龜唐書江州獻六眼龜○

鼈

穹脊周褰目聽思化九肋稱良一足堪訝神守在池

龍誘可謝

本草鼈水居陸生穹脊連脇與龜同類四緣有肉褰褰甲無耳以目爲聽純雌無雄以蛇及鼈爲匹卵生思抱其行鼈躓故謂之鼈俗呼團魚因形圓也鼈一鳴而鼈伏遇蚊叮則死得蚊煮則爛而熏蚊者復用鼈甲物相報復如此之異○段成式云甲蟲影伏螿伏于淵而卵剖于陵此思化也○九肋者勝目白腹下天字者不可食撫言袁州盧肇答人云正如沅江鼈甲九肋者稀白澤圖一足鼈池精名髮頊○養魚經魚滿三百六十則龍爲之



長而引飛出水內有鼈則魚不復去故一名神守  
一名東明一名河伯從事

蟹

鵲眼蟹足蛭腦蝟腹流上色殊雌雄異錄敗漆集鼠  
膏金髓玉執穗朝魁無腸仄子

傅肱蟹譜總論云蟹水蟲也亦曰魚屬以其外骨  
則介蟲取其橫行目為螃蟹鵲眼蝟腹蛭腦蟹足  
其抵類拳丁其螯類執鉞其跪又皆外刺性復躁  
或編諸繩縷或投諸荇符則引聲喫沫至死方已  
類皆鱗育生于濟刺者其色紺紫出于江淞者其

色青白小者謂之彭蜊中者謂之蟹匡長而銳者  
謂之螯大者謂之螯蚌雖皆有佳味獨蟹參于藥  
論耳明越溪澗石穴中亦出小蟹其色赤而堅俗  
呼為石蟹與生伊洛者無異屬圓多腴而奪之贅  
臍長多足其生于盛夏者無遺穗以自充止食菱  
蘆根俗呼為蘆根蟹瘠小而味腥至八月則蛻而  
形浸大秋冬之交稻梁已足各腹芒走江俗呼樂  
蟹最號肥美由江而納其芒于海中之魁遇冰雪  
則自伏淤潑不可得矣今人設啗具以按酒者特  
先置焉何曾食蔬宏君食檄虞棕食品未必不珍



此味也琮南史有傳但名存而書亡此爲恨耳。陸龜蒙蟹志云執穗而朝其魁不近于義耶捨沮如之江海自微而務大不近于智耶外剛躁而無他腸不近于正耶其見稱如此。本草蟹性多躁引聲喫沫至死乃已生于流水者色黃而腥生于止水者色紺而馨佛書言其散子後卽自枯死霜前食物故有毒霜後將蟄故味美。兩航雜錄蟹卽蟹也經霜則有赤膏曰赤蟹無膏曰白蟹始穴泖泖稻熟時及出各執一穗朝其魁或曰以輸海神入江則稍大入海益大廣雅雄曰鯁鯁雌曰博

帶雜俎其腹毛能殺人性能敗漆燒之致鼠凡蟹漆相合則化爲水服之長生是物以解結散血得名惟霜後可食餘節食之多致疾故有蟹名孕婦猶忌獨目獨螯四足六足兩目相向皆有大毒不可食。爾雅翼隨潮退殼潮退徐行泥中者名攤塗在螻殼中爲螻取食者名螻奴皆蟹之族。皮日休詩蟹因霜重金膏溢羅鄴詩臙膚未解黃金甲骨體常留白玉香。八跪二螯外骨內肉殼上多作十二點深胭脂色其腹中虛實亦應月大者箱角兩出足節屈曲行則旁橫故里語稱螃蟹陸



佃云圓臍者牝尖者牡也性走明漆見之輒解名蟹似出乎此或曰此物之來秋初如蟬蛻故名蟹譜蟹之類隨潮解甲更生新者故字从解枹朴子山中辰日稱無腸公子者蟹也埤雅梓人注仄行蟹屬

蝤蛄

蟹有蝤蛄其力撥棹兩螯無毛隨潮退殼

扁而最大後足濶者蝤蛄兩航雜錄南人謂之撥棹子言力可撥棹隱居云以後脚形如棹也蝤蛄乃蝤蛄之大者隨潮退殼一退一長其大者如升小

者如蓋櫟兩螯無毛所以異于蟹埤雅蝤蛄大者螯力敵虎是也○爾雅翼蝤蛄大者長尺餘兩螯強能與虎鬪其大而有虎斑文隨波湮淪者名虎蝤蛄○五雜組蝤蛄大者如斗俗名曰蝤蛄其螯至強能殺人捕之者伸手石罅中為其所鉗牢不可脫遇潮至便致淹沒即至小者亦鉗人出血其肉肥大于蟹而味不及也○漁書蝤蛄一名黃甲蟹生海岸中殼圓而滑後脚有兩葉如棹而濶其螯無毛穴處石縫中慣捕者徧尋其穴而得故名蝤蛄足善走漁人得之即以草緊繫而藏之簍當潮至時雄



在萑中亦引聲沸沫嶺南人謂之撥棹子一名蝤  
蟬余鄉罇有一二尺大殼可作花盆汲冢專車之  
殼必此類然蟹勝罇罇勝蠟故陶穀云一蟹不如  
一蟹

### 虎罇

蟹有虎罇踣跚而行猗猗斑斕遂昌虎名  
兩航雜錄大者有虎斑文濶足亦如罇○嶺表錄  
異虎蟹殼上有虎斑可裝為酒器與紅螺皆產瓊  
崖海邊雖非珍奇亦不易採得也○敬美閩部疏  
海中罇有冬春間生者蝤蟬類也而色瑪瑙斗殼

作猗猗斑斕盡似虎頭土人名之曰虎罇余以配  
龍蝦為的對也○五雜組殼斑如虎頭形它方人  
多取作翫器而味彌不及蟹矣○漁書云罇小者  
不結黃惟深海產者其黃與秋蟹冬蠟同一名為  
紅罇食品重之又有石罇虎獅罇狀如獅頭

### 彭蜺

小則有蜺大則竭朴惟茲彭蜺與蝟混錯不熟爾雅  
幾死勸學因兆相如赦魚于卓

兩航雜錄蜺似彭蜺而小竭朴大于彭蜺黑斑有  
文以大螯障日以小螯食彭蜺似蟹有毛而赤性



極寒。○漁書二螯並者為彭蜺生海泥中食土大  
僅盈寸一名長卿。○爾雅注彭蜺亦蝟類晉書蔡  
司徒謨初渡江見彭蜺大喜曰蟹有八足加以二  
螯令烹之既食吐下委頓方知非蟹後向謝仁祖  
說此事謝曰卿讀爾雅不熟幾為勸學死按大戴  
禮勸學篇蟹二螯八足非蛇鱸之穴無所寄託者  
用心躁也。○古今注彭蜺小蟹生海邊泥中食土  
一名長卿按成都古事王吉夜夢一彭蜺在都亭  
作人語曰我翌日當舍此吉覺而異焉使人早候  
見司馬長卿至吉曰此人文章當橫行一世因呼

彭蜺為長卿卓文君一生不食彭蜺

數丸

介蟲數丸形亦似蜺丸土三百潮信與期

雜俎數丸生海邊形似彭蜺取土作丸數滿三百  
而潮至人以為候因名常在沙中一日沙丸有  
青脚白脚二種。○爾雅翼南海之物感應經蟹屬  
名彭蜺以螯取土作丸從潮來至潮去或三百丸  
因名三百丸

百足蟹

善死貢蟹百足四螯煮殼成膏勝鳳喙膠



述異記善宛國貢一蟹長九尺有百足四螯因名百足蟹煮其殼謂之螯膠勝于鳳喙膠並見雜俎

蠚

行氣毒莫佳于蠚肉殼多黃螯最利銛

陶隱居云蟹未被霜者甚毒以食蕒故也然族類最多六足名蛭四足名比皆有大毒濶殼而多黃者名蠚其螯最銳斷物如芟刈焉。五雜俎殼兩端銳而螯長不毛俗名曰蠚在雲間名曰黃甲。雨航雜錄蠚肉殼多黃食之行風氣。造化權輿龍易骨蛇易皮麋鹿易角蟹易螯折其螯足後復

更生。蠚漁書作蠚云海蠚蟹屬甲廣兩角尖利螯長數寸無毛端有兩牙如剪刀遇物截之即斷故名螯有花文生時色綠熟則變紅殼有白花如繪肉白膏赤味不下于蟹解甲虛實亦與蟹同名有數種各以類聚漁人網取輒盈車舟五六月間鄉人空手入水探之隨取隨得作醢為佳螯則另聚而鬻之以為上羞作脯亦佳有冬蠚花蠚黃蠚青脚蠚三目蠚四目蠚四時皆有形多相似惟文色差別時候不同耳大者盈尺小者不下二三寸臍下之子宜膾



蝦

蝦代蛇睇亦兆兵歲須可杖簾九繁厥系

水母目蝦詳前又蟹譜吳俗有蟹荒蝦兵之語以其披堅執銳也歲或暴至則鄉人以爲兵證。爾雅鮓大蝦出海中者長二三丈游行則豎其鬚高于水面故字从高鬚長數尺可以織簾。嶺南錄異劉恂會登海舶入鮑樓忽見窻板懸二巨蝦殼頭尾鉗足俱全各七八尺首占其一分觜尖利如鋒刃觜上有鬚如紅筋各長二三尺雙脚有鉗鉗麤如人大指長二尺餘上有芒刺如薔薇枝赤而

鈿硬手不可觸腦殼烘透彎環尺餘何止于盃盃也。北戶錄滕循爲廣州刺史有客語循曰蝦鬚有一丈者堪作柱杖循不之信客去東海取鬚四尺以示循方伏其異交廣託吳有廣州刺史語滕修蝦長一丈不之信其人後至東海取蝦鬚長四丈四尺封以示修一事而載小異又交趾蝦巨如柱鬚長七八尺者海濱以作柱杖甚佳陳剛中詩蝦鬚作筇杖。廣韻蝦魚屬閩中有五色蝦梅蝦盧蝦泥蝦苗蝦又海中有管蝦。梅蝦數千萬尾不及斤五六月間生一日可滿數十舟色白可愛



泥蝦可為醬并苗蝦皆極細不可辨。五雜俎吳越王宴陶穀蝦自龍蝦至線蝦計亦不下三十餘種按龍蝦大者重二十餘斤須三尺餘可作杖。漁書云龍蝦一名蝦魁其首如龍有刺如蟹而大眉上起二角鬚長數尺兩旁共十脚脚未有爪爪上有毛徑寸黃金色負介昂藏體似小龍大可二三斤色綠碧炊熟硃紅鬚紅白相間味絕甘美鮮食尤佳出閩之元鐘銅山間海蝦名最多黃蝦兩尾相插成對有金鈎斑節沙蝦劍青尾之類又有蝦姑蝦侯各種雖不中俎皆蝦族也溪澗中亦有

多產其大者產婦食之有乳鄉人呼為狗蝦

裸步

螺名裸步負殼露行卵著石軟取輒堅貞浮于海際兆世昇平

拾遺記有大螺名裸同裸步負其殼露行冷則復入

其殼生卵著石則軟取之則堅明王之世則浮于

海際焉

寄居

鸚鵡外遊有蟲寄居益顏美志火炙出通味蝦形龜

以匪鱗魚



異苑鸚鵡螺形如鳥常脫殼而遊朝出則有蟲類  
蜘蛛入其殼中戴以行螺夕還則此蟲出一名賸  
庚闡所謂鸚鵡外遊寄居負殼也按此螺出肉爲  
魚所食則殼出浮人因取作杯○陶宏景云寄居  
蟲益顏色美心志南州異物志寄居之蟲如螺而  
有脚形如鼃本無殼入空螺中戴以行觸之縮足  
如螺閉戶也火炙乃出走又一種寄居蟹名蠃奴  
居蚌腹按孫恂云寄居在龜殼中者名曰媚則寄  
居亦非一種○王敬美閩部疏前人于海味最重  
鱒魚及寄生鱒魚卽浙之望潮也形雖不雅而味

美于烏賊寄生最奇海上枯羸殼存者寄生其中  
戴之而行形味似蝦細視之有四足兩螯又似蟹  
類得之者不煩剔取曳之卽出以肉不附也炒食  
之味亦脆美天地何所不有

海木

南海水族有瑰其質前足左長右齒比櫛左取右齒  
乃充口實大三尺餘其聲朮朮

酉陽雜俎南海有水族前左脚長右脚短口在脇  
旁背上常以左脚捉物寘于右脚右脚有齒嚙之  
方內于口大三尺餘其聲朮朮南人呼爲海木



海扇

厥物甲形類筵俟花朝潮力乏張輪渠與波狎製杯  
盛醪雖滿猶匣

卽車渠韻會云海中大貝背上壟文如車輪之渠  
故名車溝曰渠耳劉積霏雪錄海扇海中甲物也  
其形如扇背文如瓦屋三月三日潮盡乃出梵書  
謂之牟婆各揖拉婆○李時珍云大蛤也大者長  
二三尺濶尺許厚二三寸殼外溝壟如蚌殼而深  
大皆縱文無橫文也殼內白皙如玉亦不甚貴番  
人以飾器物李珣謂玉石類西國七寶之一蓋玉

石中亦有車渠而此蛤似之耳沈存中筆談車渠  
大者如箕背有渠壟如蚌殼以作器緻如白玉楊  
升菴丹鉛錄車渠作杯注酒滿過一分不溢試之  
果然

蠃

蠃似蛤薄橢毛殼名所從旌有前無却

雨航雜錄蠃似小蛤而長匾殼有毛是物行有  
前無却故名。宗爽云順安軍介河中亦有之與  
馬刀相似肉頗冷人以作鮮食不堪致遠

蜆



蜆亦蚌屬能以殼飛別呼匾螺啟視朝暉

陳藏器云蜆處處有之小如蚌異色能候風雨以殼飛李時珍云蜆蜆也殼內光耀如初出日采也隋書劉臻父嗜蜆呼爲匾螺

蜆

蜆生海泥可以田種或配淡菜細臙是供氣味甘溫補虛導壅

海味索隱贊其形如淡菜而其堅也閣閣其肉如蝦蛤而其味也泊泊卽不謂之腥鱗亦可謂之肉臙固不尊之爲大嚼亦可稱之爲細鱔悠悠獨酌

三嗅而作。陳藏器云蜆生海泥中長二三寸大如指兩頭開李時珍云海中小蚌其形長短大小不一與江湖中馬刀蠃蜆相似其類甚多閩粵人以田種之候潮泥壅沃謂之蜆田呼其肉爲蜆腸。漁書蜆蛤屬而大小不同殼薄而長肉中有髻有長鼻宜鮮食亦可爲脯有名竹蜆者長一二寸如小竹管大者廣一二寸長十之生深海中有名邱望者以地名二三月間最肥味淡而爽與蛤相伯仲。嘉祐本草蜆補虛煮食去胸中邪熱煩悶飯後食之與服丹石人相宜治產後虛損



土鐵

殼如月哉生魄肉如鐵新凝液梅雨時收南產腴澤  
 海味索隱土鐵歌土非土鐵非鐵肥如澤鮮如屑  
 乍來產自寧波城看時却是嘉魚穴盤中箇箇瑪  
 瑙烏席前一丹邱血見者嘗飲者藁舉杯吃飯  
 兩相宜腥腥不惜廣長舌屠本峻云土鐵一名泥  
 螺出南田者佳五月梅雨收製三吳士人酷嗜土  
 鐵者謂不但吃飯飲酒卽點茶亦妙予嘗舉以爲  
 笑

土肉

海豐土肉大如嬰臂州足筭影五官不備

一統志土肉色黑大如小兒臂長四五寸有腹無  
 口目有三十足如筭簪出海豐縣大海中

西施舌

鑽殼如頤肉蟾蜍而化自鷓鴣久復差池旣儷女施  
 亦方男儀惟其似之是以諡之

兩航雜錄西施舌一名沙蛤大小似車螯而肉自  
 殼中突出長可二寸如舌温州公常與人食此戲  
 曰西施舌如此亦不足美其人曰非也舌長能搬  
 弄可稱張儀舌是物海燕所化久復爲燕其性熟



○漁書云西施舌狀如蚌殼色青綠肉作銀紅似  
女子舌故名味清甘有致作湯佳味

海參

爰有海參產于遼海以配海蛭牝牡形在功敵人微  
名因不改

五雜俎遼東海濱有之一名海南子其狀如男子  
勢狀淡菜之對也其性溫補足敵人參故名人參  
一名人微

沙喫

蠕蠕頭質縮如桃栗沙喫沙蒜名殊物一去涎糅卒

味美無匹

雨航雜錄沙喫塊狀一物如牛馬腸臟頭長五六  
寸無目無皮骨但能蠕動觸之則縮小如桃栗徐  
復擁腫土人以沙盆糅去其涎腥雜五辣煮之脆  
美爲上味樂清人名沙蒜

石勃卒

石屑胎來魚來形勃卒類而隈膨腹兀兀互類奇佷  
雨航雜錄石勃卒形短圓三寸長四寸身赤腹泡  
急其形勃卒故名一名來魚或曰石屑入水所化  
○周禮互物注謂有甲介者



吳江府志卷之六

六

|      |    |    |   |   |   |   |   |   |
|------|----|----|---|---|---|---|---|---|
| 小美無四 | 雨風 | 十無 | 均 | 長 | 長 | 長 | 長 | 長 |
| 長    | 長  | 長  | 長 | 長 | 長 | 長 | 長 | 長 |







